

# Diine goonga

دين الحق

[باللغة الفولانية]

Wallifannde: Abdu Rahman Ibnu Hamad Aal Umar

تأليف: عبد الرحمن بن حماد آل عمر

ترجمة: فريق اللغة الفولانية

Fulo: Goomu Demngal Pulaar/Fulfulde

1443-2021



**Rwwad Translation Center**





**Rabwah Association**



**IslamHouse Website**

This book is properly revised and designed by Islamic Guidance & Community Awareness Association in Rabwah, so permission is granted for it to be stored, transmitted, and published in any print, electronic, or other format - as long as Islamic Guidance Community Awareness Association in Rabwah is clearly mentioned on all editions, no changes are made without the express permission of it, and obligation of maintained in high level of quality.

 Telephone: +966114454900

 Fax: +966114970126

 P.O.BOX: 29465

 RIYADH: 11557

 ceo@rabwah.sa

 www.islamhouse.com

En fuddorii Innde Alla, Huubudo yurmeende, Heeriido yurmeende wonande malaabe.

### **Ngardiindi e dokkal.**

Denndaangal jettooje ngoodanii Alla joom binnde, juulde e yurmeende yo ngon e denndaangal Nelaabe Alla, si dum yawtii:

Dum ko noddaandu faade e kisal, mina faani ndu e kala kakkildo gondo e goodal -foti ko debbo wolla ko gorko- mina joortii e Alla toowdo kattando O nde O malnirta ndu wonande oon majjudo laawol, nde O barjata mi e kala balludo sarde ndu baraaje njane, mina wiya dum e wallinorde Alla:

Anndu -aan aade kakkildo- wonde kisal alah malal alah e nguurndam jooni wolla nguurndam to laaakira, si wonah a anndu Joom maa tagdo ma O, goondinaa mbo ndewaa mbo kanko tan, ngannda annabi maa mbo Alla neli faade e maa, e faade e denndaangal aade en, goondinaa mbo cukkaa e makko, nganndaa diine goongo mbo Alla yamir ma, goondinaa mbo kadi ngolliraa mbo.

Ndee deftere wonde e yeesa ma -diine goongo- ina e hende hollirgol fiyakuuji njani, di potdaa anndude golliraan di, mi jantiima e seraaji ko katajindaa e kelme e masalaaji ngam beydude banginde, tawa na fawii e haala Alla e hadisaaji Nelaado -yo o his- sabu ko diin ngoni duttordi wonande diine goonga, Alla jabatah diine goddo mbo wonah oo.

Mi accii ñemmbugol muumniido e majjingol ko heewi e aade en. Mi jantiima yoga e pelle majjude noddittoode wonde e goonga, te hode ngoddi goonga, ngam majjube bee ndeentoo alhaalijji jeyaabe e deen dente, Alla tan yonii kam wakiil.

Haali dum winndi ko: oon katojindo e yaafuya Alla.  
Abdu Rahman Ibnu Hamad Aal Umar.  
Jannginoowo gannde diiniyankooje.

**Keerol gadanol  
Anndude Alla Tagdo Teddufo O.**

Anndu aan aade joom hakkille, wonde ko Joom maa tag ma ummaade e ndiga, O neeru ma neemaaji, ko Kanko jeyi binnde. Hakkilbe goondinbe Alla toowdo O, be njiiraani Mbo gite mum en, kono be nji'ii dallillaaji kollooji woodde Mbo, wonde ko Kanko tagi kadi woni jiiloowo denndaangal ko woni e winndere he, be nganndiri Mbo duum, ina jeya e diin dallillaaji ko arata ko.

## 1- Na jeyaa e dalilaaji goodal Alla

### Daliil gadano o:

Goodal e aade e nguurndam; duum ko kewi (woodi) na jogii fuddoode e timmorde, na hatojini e goddo, ko fuddaa e ko hatajini e godddo alah e saga wona ko tagaa, tagaado alah e sago jogoo tagdo, Oon tagdo teddufo woni Alla, ko Alla habri jaati Makko ceniido O, wonde ko o tagdo jiiloowo denndaangal ko woodaa, ngol kabrugol ari ko e defte de Alla tellini e Nulaabe Makko.

Nulaabe bee njottanii haala Makko faade e aade en, be noddii be faade e goondinde Mbo e rewde Mbo kanko tan, Alla daali e quraana teddufo: "Pellet Joom mon Alla woni tagdo kammuuji e leydi e balde jeegom refit heen O fotondiri dow danki ki hombo naatna jemma nder ñalawma O dabba dum dabbugol jaawngol, naange nge e koode de na eeltaa e yamiroore Makko, ko kanko tigi tagu e yamiroore woodani, Alla joom binnde barkinii. Al Araaf -54-.

Maana jumaado iwde he aaya teddufo o.

Alla na habra aade en fof wonde ko Kanko woni Joomi mum en, Oon tagdo be e kammuuji e leydi e nder balde jeegom -3-, hombo habra wonde Alla Mbo fotondiri e danki Makko he.

Arsi woni ko e dow asmanuuji ko kanki buri toowde e yaajde ko tagaa koo fof, Alla Hombo to dow arsi, ganndal Makko na fiiltii denndaangal ko tagaa ko, nande e jiide Makko, hay huunde suudataako Mbo e fiyakuuji, Alla na habra wonde O wadii jemma na muurira ñalaawma nibe mammba, na rewa heen ko yaawi, O holli kadi O tagii naange e lewru e koode, O wadi de

kanje fof hode ngoni eeltaade hode njaha e falakuuji majje e yamiroore Makko, O holli wonde ko Kanko tan tagi e yamiroore woodani Mbo, ko Kanko woni tedduo e sifaaji Makko e jaati Makko, okkiroowo jam keewdo duumiido, ko Kanko woni joom binnde, Oon tagdo de, O neeri de neemaaji.

Alla daali: Ina jeya e kaawisaaji Makko jemma e ñalawma e naange e lewru, wotee cujjanee naange wolla lewru kono cujjanee Alla tagdo di O si wonii ko kanko ndewoton. Fussilat - 37-.

Maana jumaado wonande aaya tedduo o.

Alla na habra wonde na jeyaa e kaawisaaji makko tinndinooji goodal Makko: Jemma, ñalawma, naange e lewru, hombo hada sujjannde naange wolla lewru, sabu ko de tagaade hono no tagaade godde dee nih, sellatah nde tagaado rewetee, te sujjudde ko noone e dewal, Alla na yamira yimbe e o aaya - hono no yamirirta e ko wonah o- nde be cujjanta Alla gooto, sabu ko Kanko woni tagdo jiiloowo kaandudo e reweede.

### **Daliilu didabo;**

Ko Kanko woni tagdo gorko e debbo woodeede debbo e gorko ko daliil goodal Alla.

### **Daliil tatabo;**

Seerde demde e mbaadiiji, dido be sawtu (hito) mabbe woni gooto wolla mbaadi mum en woni ngootiri woodaani, alah e sago wooda ko be ceeri.

### **Daliil nayabo;**

Seertude njeđuuji; oo wona galo oya wona baasdo, o wona hooreejo oya wona keynaado, wondude gooto e mum en fof ko joom hakkille e miijo e ganndal, e reerdude ko o hebaani e ngalu, teddungal, cuddiido labaado, kono hay gooto waawah hebde si wonah ko Alla hoddirani mbo ko.

Dum ko sabu ñeeñal mawngal, ngal Alla ceniido O muuyi - 5-dum woni humpitaade yogo e aade en e dow yogo, beya

ligganoo beya, haa maslahaaji mum en mbaasa yeebeede.

Mbo Alla hoddiranaani njeđu e aduna, Alla habrii wonde maa o beydane neema ndesaari makko to aljanna si o maaydii e goondinal Alla, te Alla okkii baaso bure de o dakmitortoo e fittaandu makko e cellal, tawa ko buri heewde e aldube ngalah duum, dum ko ñeeñal ngal Alla fodani mbo.

### **Daliil jowabo;**

Daanaade, e jiigol koydi laabtudi di Alla hollata daaniido huunde e mbirniindi tawa ko weltinde wolla ko jeertinde.

### **Daliil jeegabo;**

Ruuhu: hay gooto anndah haqiiqa ruuhu si wonah Alla.

### **Daliil jeedidabo;**

Aade; E ko woni banndu makko e co'irde e goomu dadi e ngaandi e dolirde e ko wonah duum.

### **Daliilu jeetatabo.**

Alla na tellina tobo e dow leydi maayndi ndi fuda pufi e ledde ceertude e nafooje mum e dakamme mum e mbaadiiji e nooneiji ceertudi, dum ko seeda e dalillaaji keewdi di Alla jantii e quraana, kollirooji wonde dum ko daliil goodal Alla ceniido O, ko Kanko woni tagdo jiiloowo denndaangal tagaade.

### **Daliil jeenabo:**

Neesu ngu Alla tagiri aade en, na tabintina goodal Alla tagdo be jiiloowobe, kala jeddufo duum yo anndu hombo faljina fittaandu makko o hiitina ndu, Suyuu'iyanke -6- na wuura e nguurndam kiite, battane makko caggal maayde ko yiite, ko njobdi pennudo tagdo dum e hay huunde, O neeri mbo neemaaji si wonah o tuub o ruttii faade e joomiiko o goondini Mbo e diine makko e nulaabe Makko.

### **Daliil sappabo:**

Barke: duum woni heewde yogo e tagaadi hono ndammiri, woni mbeñdi barke ko sooyde hono dawaadi e ullufi.

## 2– Ina jeya e sifaaji jaati Alla toowdo O.

Gadano: ko aldah e fudfoode, guurdo cay O maayatah O gasatah, ko O galo daraniido jaati Makko, O hatojinaani e hay gooto, ko O gooto mbo renndaani e hay gooto, Alla daali: “Wii **Kanko Alla ko O gooto**” 1. **Alla ko paandorteedo. O jibinaani O jibinaaka 3. hay paso gooto woodanaani Mbo** 4. Al ikhlaas 1-4.

### **Maana aayeeje de.**

Nde heeferbe naamnii timmorde annabaabe sifaaji Alla, Alla tellini ndee simoore, O yamari mbo yo o wiibe:

“Alla ko gooto O alah denndidiijo, ko Alla woni guurdo duumiido jiloowo, aade en ko e makko tan foti ruttaade ngam humtude haajuuji mum en.

O jibinaani o jibinaaka, sellatah nde O jogoto biidfo gorko ma debbo wolla baaba maa yumma, O riiwtii duum e hoore Makko diiwugol cattungol e ndee simoore e ko wonah nde, sabu jibingol ko e sifaaji tagaabe jeya, Alla ruttii Nasaara en e wide be Masiihu ko biy Alla, e ko Yahuudu en wiya ko Ujayru ko biy Alla, e tanaa been wiibe malaykaaji ko bibbe Alla rewbe, O kaanini haala mum em meere ka.

O tagii Masiih- yo ohis- ummaade e yumma ko aldah e baaba e kattane Makko, hono no o tagiri Aadama e leydi, no O tagiri Hawwa e wirngai Aadama, o yi'i mbo e sera makko, refit heen O tagi geñol Aadama ummaade he ndiyam gorko e debbo, O tagi kala huunde ko adii ummaade e hay ndiga, O wadani tagaabe laawol e njubbudi ndi hay gooto waawah waylude mbo wonah Alla, si O faalaama waylude heen huunde O waylira no O faaliraa nih

Hono no lisaa -yo o his- woodiniraa ummorde e yumma ko aldah e baaba, O haalni mbo hnde o woni e tiggū, hono o laatiriri sawru Muusa -yo o his- mboddi njahoori, nde o fiyiri ndu maayo ngo seekii o lummbi heen kanko e yimbe makko, hono no timmorde annabaabe Muhammadu -yo ohis- fecciri lewru pecce



didi, O laatini ledde na calma Mbo si o wirtiima de, O wadi kulle na ceedanoo Mbo nelal Makko e hito ngo aade nani, de wiya min ceediima ko a nulaado Alla, o yaari jemma e dow Buraaqu ummaade makka faade baytil miqdasi, o benni to kammu hombo wondi e malayka Jibriil haa o yottii dow kammu, Alla haaldi e Makko O farli e dow makko juulde o ruttii to misiide hormaande ka leydi, e laawol makko o yiya koreeji kala kammu, dum fof ko e jemma gooto ko adii fajiri, ciimtol Miiraaj e jaagol ka kammu na lolli e quraana e hadisaaji nelaado, e nder defte taariik.

### **3- Ina jeya e sifaaji Alla toowdo O, di O sifanii hoore makko, nulaabe mum kadi ciforii mbo noon:**

Nande e yiide, e ganndal e kattane, e muuyaande, hombo nana O yiya kala huunde, hay wirngallo gooto wirnatah nande Makko wolla jiide makko.

Hombo anndi ko woni e ranngaaji, e ko berde cuudi, e ko wonnoo e ko wonata, ko o kattando, si o faalaama yo huunde won, o wiyata nde ko won nde wona.

Haalde ko o wela e nde o wela: O haaldi e Muusa - yo o his- hono no haaldiri e timmoode annabaabe -yo o his- quraana ko haala Alla karfeeje e maana fof, O tellinii mbo dow nelaado Makko Muhammadu -yo o his- ko mbo sifa e sifaaji Makko, mbo tagaaka wano Muutajila en mbiyata.

Yeeso e juude, e fotde e tellaade -8- e weleede e tikkude, hombo welee jiyaabe Makko goondinbe, O tikkana heeferbe be, e gollude ko addata tikkere Alla, weluya makko e tikkere makko wayi kono sifaaji keddiidi di, di nanndatah e sifaaji tagaabe di mbadetaake taawiil wolla honineede, woni wiyeeede ko hono nih wolla nih.

Tabitii e Kuraana e sunna wonde goondinbe maa njiiru Alla gite mum en e dingire darnga e nder aljanna, sifaaji Alla na fencitaa e quraana tedduo o, e hadisaaji nelaado Muhammadu -yo o his- rutto heen.

\*\*\*

### **3- Ko wadi Alla tagi aade en e jinneeji.**

Si a anndii aan kakkilɗaa wonde ko Joom maa tagi ma, anndu Alla tagraani ma meere, ko O tagir ma ko ngam ndewaa Mbo, daliil mum ko Alla daali: Mi tagaani yimbe e jinneeji si wonah yo be ndew Am. Mi faalaaka e mum en arsuka Mi faalaaka nde be ñamminta Mi.-57. Ko Alla arsakinta, ko kanko woni jom cemmbe tiidɗe -58-. 56-58.

#### **Maana tonngaɗo aayeeje ɗe.**

Alla na habra e aaya gadano he wonde ko Kanko tagi jinneeji- 9- e aade en ngam be ndewa mbo kanko tan. Hombo habra e aaya 2 e 3 wonde ko O jondiniidɗo gaa e jiyaaɓe Makko, O faalaaka e mum en arsuka wolla ñaamdu, sabu ko kanko woni garsoqinoowo cemmbindɗo hay gooto hebatah arsuka si wonah e makko, ko Kanko tellinta toboO yaltina arsuka ummaade e leydi.

Tagoore wonnde ka leydi, Alla habrii wonde O tagii ɗe ngam aade, O wallitora ɗe e doftaare makko, O firliito e majje sariya Alla, kala ko tagaa e kala dillere e deeyɗe e winndere he, Alla laatini ɗum sabu ñeeñal hollirangal e nder quraana, anndube na nganndira ɗum sariya Alla gooto fof fotde faamu mum, hay seertrude nguurndam e arsuka e joljole e musibbaaji ɗum fof ko e sakkitoore Alla, ngam O humpitoo jiyaaɓe makko hakkilbe. Kala belaɗo hoddiro Alla o jebbili o tiidni e golle belɗe Alla oon de weluya Alla woodanii mbo, e maleede aduna e laakara caggal maayde, mbo welaaka hoddiro Alla jebbilaaki o doftaaki Alla, tikkere Alla woodanii mbo e malkise aduna e laakira.

Heden toroo weluya Alla, e moolaade e tikkere Makko.

### **4- Ummital caggal maayde e njobdi golle e aljanna e yiite.**

Si a anndi i-aan kakkilɗo- Alla tagru ma ko ngam rewde Mbo, anndu Alla habrii e denndaangal defte ɗe o tellini e nelaabe mum wonde maa O ummatin ma caggal maayde, maa O yob ma golle maa ka galle njobete caggal maayde, sabu aade eggat galle ɗam nguurndam faade e galle njobdi e caasal, caggal nde o maayi nde. Si tuma mbo Alla hoddirani aade nguurndam gasii, O

yamira Malayka maayde yo tam fittaandu makko ummaade e banndu makko, o maaya caggal meedde muusgol maayde ado fittaandu yaltude e banndu makko.

Tawi ko ruuhu Alla wadat mbo e galle neema -ka aljanna-tawde ko goondindo doftiido Mbo, tawi ko o keefeero jiddudo ummital e njobdi caggal maayde, Alla wafa ndu e galle lepte -yiite- haa tuma gasde aduna e daraade darnga, kala ko heddino e tagooje maaya, heddotaako si wonah Alla. Refti heen Alla ummina tagooje fof -hay kulle- O rutta kala fittaandu e banndu mum timmunde hono no ndu tagiranoo aranun, ngam O hasboo aade en O yoba be golle mum en, debbo e gorko maa keyniido e keynaado baaso e galo, gooto tooñetaake, tooñaado yobtanee e tooñdo, hay kulle njobtondirat hakkunde mum en, refit heen de mbiyee ngontee leydi, sabu de naatatah aljanna wollo jaynge.

Aade e jinne be yobee gooto fof fotde golle makko, goondinnoobe Alla doftii Mbo ndewi nulaabe makko naata aljanna, hay si be ngonniino burnoobe waasde, heefereebe yeddunoobe yiite naata yiite, hay si be ngonniina burnoobe aldude e teddude ka aduna, Alla toowdo O daali: bure teddude e mon ko burdo hulde Alla pellet Alla ko ganndo kumpitiido. Al Hujuraati:13.

Aljanna ko galle neema, hombo soomi noone e neemaaji ko gooto waawah sifaade, hombo woodi teemedere daraja, kala daraja na woodi hodbe heen, fotde iimaan e doftaare mum en, kala daraja e aljanna na woodi neemaaji hono neema laambe aduna cove cove wonande naatbe toon -10-.

Yiite -yo Alla mool men heen- ko galle lepte ka laakira caggal maayde, no woodi nooneji lepte e muusallaaji ko bernde hulata jantaade, na woyna gite.

Si maayde woodno e galle laakara yimbe yiite maayatno kisan si be sutike jaynge nge, kono maayde ko laawol gootol, aade en na egga ummaade e nguurndam aduna faade laakira. Sifa maayde timmudo arii e quraana, ummital, hasbeede, njobdi, aljanna e yiite, ko jantiden koo joopiima dum.

Dalilaaji ummital caggal maayde e njobdi na heewi sanne,

Alla daali ka quraana teddufo o: Ko e hendi Min tagi on, ko e hendi Min nduttata on e ko e hendi Min njaltinta on laawol godngol. Taaha: 55. Alla daali: O fiyani Min misaal o yejjiti tagu mum, o wi'i hombo wuurtinta yi'e dappude? 78. Yaasiin 78-79.

Alla daali: Heefereebe bee aayii ma be ummintaake, maaku maa on ummine kay mi woondarii joom am maa on ummine, refit heen maa on kumpite golle mon, duum na newanii Alla. Attagabun 7.

### **Maana tonngaado aayeeje de.**

E aaya gadano o, Alla na habra wonde O tagii aade ummorde e leydi, tuma nde O tagi baaba Aadama -yo o his-ummaade e leydi, O holli maa O ruttu be e hendi caggal maayde ummaade e jenaale mum en teddungal mum en, Maa o yaltin be e hendi ebe nguuri, gadiifo haa e cakkitiifo, O hasba be O yoba be

E aaya dimmo he: Alla na rutta keefeero jeddufo ummital kaawaado wuurtude yi'e dappude. Alla na rutta mbo, ko Kanko wuurtinta de, sabu ko kanko tagnoo de ko adii ummaade e baasal.

E aaya tatabo o: Alla na rutta heefereebe fennunoobe ummital caggal maayde, hombo yamira nelaado makko -yo o his-yo o woondiran be Alla woondoore tekkunde, wonde maa Alla ummin be, O habra be O yoba be golle mabbe, dum ko huunde newiinde ka Alla.

Alla habri ka aaya go, si Alla umminii fennube ummital e yiite, O lepta be e yiite jahannama be wiyanee: Meede lepte yiite nge fennatno-don nge. Assajda 20.

### **Tonggude golle aade e bolle makko.**

Alla habrii pellet hombo anndi ko neddo jogori haalde e gollude foti ko ko labaa ma ko boni, ko wirnii maa ko banngi, O habri O winndii dum e Alluwal deenangal he, ko adii nde kammuuji e leydi e aade en tagetee, O habri wonde duum fof O wakkili malaykaabe dido e kala aade, gooto ñaamo makko oya to

nana makko, mbo ñaamo winnda ko labaa oya winnda ko boni, hay huunde fuutataako be, Alla habri wonde kala aade na tottee deftere bolle makko e golle makko, o jannga nde o yeddatah heen hay huunde, si o yeddi Alla wowlina nande makko, jiide makko, juude mako, koyde makko e nguru makko ceedoo denndaangal ko gollunoo.

E quraana teddufo oo ñannginii duum fof, Alla daali: O haalatah konngol si wonah tawa ina sera makko malayka koroowo konngudi makko. Qaaf 18. Alla daali: Ina e dow mon reenoobe-10-teddube winndoobe-11- be nganndi ko ngolloton-12- Al Infidaari:10-12.

### **Firtude aayeeje de:**

Alla na habra wonde o wakkalii e dow kala aade malaykaaji dīdī, gooto ka ñaama hombo winnda labaadi gofdo ka nano hombo winnda bondi, e dimmo he O holli wonde o wakkalii malaykaaji teddufi e aade en, hodi mbinnda denndaangal golle mum en, ganndufi denndaangal golle mum en e winndude de hono de mbinndirii e alluwal deenangal ngal.

### **Seedaade:**

Seedaade wonde alah deweteedo e goonga si wonah Alla gooto O, seedaade Muhammadu ko nelaado Alla, aljanna ko goonga , yiite ko goonga, dangga ko ko arata sikke alah heen, Alla Mbo ummina wonbe e genaale ngam be kaasbee be njabee, e wonde kala ko Alla e Nelaado mum kaali ko goonga.

Mina noddu ma -aan kakkildo- faade e iimaan e seede, ñannginde dum e gollirde maana makko, ko dum woni laawol kisal.

**Keerol didaḅol**  
**Anndude Nelaado (yo o his)**

Si a anndii -aan kakkildo- wonde ko Alla jey ma tag ma, maa O ummin ma caggal maayde ngam o haasbu ma o yob ma golle maa, anndu Alla nelii nelaado faade e maa e denndangal aade en, O yamarii ma doftaade Mbo e sukkude Mbo, O habri wonde laawol alah ngam anndude diine celludo si wonah rewde o nelaado, e rewrude Alla e sariya Makko O, mbo O neldi Nulaado makko O.

Oo do nulaado teddufo mbo fof en poti goondinde ndewa e makko, ko kanko woni timmoode annabaabe, ko o nelaado faade e aade en fof -yo o his- mbo Muusa e lisa weltiniri ko buri 40 nokku e nder tawreeta e Injiil, Yahuud e Nasaara en na njanngatnoo dum ko adii nde be pijiri be mbayli deen defte -11-.

Oo annabi teddufo mbo Alla timminiri nulaabe, O neli mbo faade e aade en fof, kanko woni Muhammadu Ibnu Abdullaahi Ibnu Abdil Mudalib Haasimyanke Quraysyanke -yo o his- kanko buri teddu buri goondu e nder leñol burngol teddude dow leydi, o ummiima e keeci Ismaa'iil biy annabi Ibraahiima, o jibinaama to Makka hitaande 570 J.I. E nder jemma o jibinaa e tuma nde o yalti e reedu neene makko nde annoore mawnde fooyni winndere nde, aade en mugaa heen, dum winndaa e defte taariik, sanamuuji Quraysi en ndewatnoo ka Makka mbeñaa, pale laamdo Faaris Kisra ndimmbii, sappo e balakooji mum en njani, jayli Fursu en ndewatnoo ñifi, ko adii dum fotde duubi ujunere di ñifaani.

Dum fof na humpita ummaade ka Alla wonde timmoode nulaabe na jibinee, te maa o hel sanamuuji di be ndewatnoo ko aldah e Alla, maa o noddu Fursu e Ruum faade e dewal Alla tan, e naatde e diine goonga, si be caliima o haba e mum en kanko e wondiibe makko, Alla walla be, O sara diine Makk o, diine mbo o jalbiniri leydi ndi. Ko duum tigi wadi caggal nde Alla neli Muhammadu -yo o his-.

**1- Na jeyaa e Ko Alla seerndiri Muhammadu -yo o his-timmoode annabaabe gaa e nulaabe adiife be.**

**-Gadanel:** ko kanko woni timmorde annabaabe, nelaado aratah

caggal makko.

**-Dimmel ngel:** Nulal ngal ko faade e denndaangal aade en, aade en fof ko dental Muhammadu, doftiido mbo rewi e makko naata aljanna, caliido mbo naata yiite, hay yahuud e annasaara en na pawaa rewde e makko, kala e mabbe mbo rewaani mbo goondinaani mbo, o yeddii Muusa e lisa e denndaangal nulaabe. Muusa e lisa e denndaangal annabaabe na kisi e kala aade mbo rewaani Muhammadu-yo o his- sabu Alla yamarii yo be mbeltinir garal mum, e noddude yimbe mum en nde cukkata e makko si Alla nelii mbo, sabu diine mbo o nelira o woni diine mbo o neliri nelaabe makko, O wadi timmal e newaare e yonta timmoode nulaabe, dagantaako goddo nde o nanngitoo e diine mbo wonah islaam, sabu ko kammo woni diine timmufo momtufo denndaangal diineeji, sabu ko kammo woni diine goonga deenaado.

Tawii ko diine Yahuud e Nasaara ko baylaadi, di ngonaani no Alla tellinirnoodi nih, kala juulfo dewfo e Muhammadu, o rewii Muusa e lisa e denndaangal annabaabe, hay si o nodditiima ko e cukkuba Muusa wolla lisa.

Ko dum wadi seernaabe hakkilbe nuundube njaawnii e goondinde Muhammadu -yo o his- e naatde Islaam.

## **2- Kaawisaaji nelaado yo kisiyee won e mum:**

Anndube Muhammadu -yo o his- limii kaawisaaji makko kollooji goondude nelal makko ngonii ko ina bura ujunere, ina heen:

**- Tampo annabaagal** mbo Alla fudni e balabe makko, ko duum woni Muhammadu -yo o his- e mbaadi sa'aaliil -13-.

-Ko ruulde dowdinannoo mbo so mbo yaha e naange ceedu wulngu.

**-Subahinaade kaaye e juude makko,** e ledde calminde mbo.

**-Habruude gefe birniide** garooje e sakket jamaanu, a deni ngarda seese seese wano o habirnoo nih.



Dee gefe birniife mbadii caggal sankaafe timmoode nulaabe Muhammadu - yo o his- haa sakket aduna, nde Alla habri mbo holli mbo na mbinnda e defte hadiis, e defte maandeeji darnga hono: Annihaayatu mbo Ibnu Kasiir, e deftere akbaar al mushaa'a fii asraadi assaa'a, e deftere abwaabul fitani wal malaahim, e defte hadiis. dii kaawisaaji na nanndi e kaawisaaji annabaabe adiiife be.

Kono Alla heeranii mbo kaawis hakkille keddiido e aduna haa nde mbo gasata, te alah tottaado mbo e annabaabe, ko oon woni Kuraana teddufo -haala Alla- mbo Alla reeni, haa jooni wayleede memaani mbo, si woodii etiiido waylude heen harfeere maa o huñca, na woodi teemedde miliyonje tummbitte quraana e juude juulbe alah heen fof luutandirnde e wonnde he hay harfeere wootere.

Tawii ko tummbitte Tawreeta e Injiil na limti limtini na luutondiri, sabu Yahuud e Nasaara en pijirii de, be mbayli ko Alla yamiri yo be ndeen, tawi ko quraana hay gooto tottaaka yo reen dum si wonah Alla, ko Alla reeni nde, Alla toowdo O daali: Ko Minen tellini Quraana ko Minen reenata mbo. Al Hijri 9.

Daliil hakkille e dallilaaji ummaade haala Alla, wonde quraana ko haala Alla e wonde Muhammadu ko nelaado Alla.

Ina e dalillaaji hakkille wonde quraana ko haala Alla teddufo O e wonde Muhammadu ko nelaado Alla: Alla dikkiima heeferbe Quraysi en ndebe penni Muhammadu-yo o his- hono no heefereebe wobbe fennube nulaabe e dente gadiide be wii: quraana wonah haala Alla. Alla dikkirii be yo be ngaddu hono mammo, be ndonki wonde quraana ko e demngal mum en tellii, te ko kambe buri wonde fasinteebe, te ina e mum en yeewtoobe fasinteebe e mawbe yimoobe, refti heen O dikkii be yo be ngaddu cimooje jeedidi yeru quraana penaade be ndonki, O dikkii be nde be ngaddata simoore wootere wano mbo be ndonki, refti heen ronkere mum en holla, denndaangal jinneeji e yimbe ndonki addude hono makko, hay si be mballondirii, Ceniido O daali: Maaku si aade en e jinneeji ndentii ngam addude hono oo Quraana, be ngaddatah yeru mabbo, hay si be mballondirii. Al

Israa: 88.

Si Kuraana wonno haala Muhammadu wolla godfo, maa godfo e yimbe, maa demngal fasinte addu yeru mabbo, kono ko mbo haala Alla toowdo O, bural haala Alla e toowde mbo e haala aade en wayi ko no bural Alla dow aade en.

Sabu Alla alah nandidiijo, ko noon kadi quraana alah ko nanndi, ko nih woni Kuraana ko haala Alla e Muhammadu ko nelaado Alla, sabu haala Alla ko nelaado tan addata dum, Alla daali: Muhammadu wonaani baabiraado hay gooto e mon, kono ko o Nelaado Alla ko o timmorde Annabaabe, Alla wonii te O seeraani wonde ganndo kala huunde, Al Ahjaab: 40. Alla daali: Mi nelaani ma si wonah beltinoowo e jeertinoowo yimbe be fof, kono ko buri heewde e yimbe kakkiltah. Saba'i: 28. Alla daali: Min nuliraani ma si wonah yurmeende winndere nde. Al Anbiyaa: 107.

### **Maana tonngaado aayeeje de.**

Alla na habra e aaya gadano o wonde Muhammadu -yo o his- ko nelaado Makko faade e aade en fof, ko kanko woni timmorde annabaabe Makko annabi aratah caggal makko, O habri wonde O subiiima mbo ngam roondaade nula makko o wona timmoode annabaabe, sabu ombo andi ko kanko buri labeede yimbe e duum.

Hombo habra e aaya dimmo he: wonde O nulli nelaado makko Muhammadu faade e yimbe fof raneebe e baleebe arab e ajam, O holli wonde ko heewi e aade nganndah goonga, ko dum wadi be majji be njeddi sabu waasde rewde Muhammadu -yo o his-.

Ombo haalda e nelaado makko Muhammadu, e aaya tabo, O habra mbo ko o yurmeende wonande winndere nde fof, ko o yurmeende nde yimbe teddiniraa, kala goondindo mbo rewii mbo o jabi yurmeende Alla aljanna woodanii mbo. Kala mbo goondinaani Muhammadu rewaani mbo o rutti yurmeende Alla, oon haandii e yiite e lepte muusde.

**Noddude faade e goondinal Alla e nelaado makko**

Muhammadu -yo o his-:

Ko dūm saabi mina noddū ma -aan kakkildō- faade e goondinde Alla e nelaado Alla Muhammadu, e sukkude e makko, e gollirde sariya Alla mbo O neldi mbo, ko oon woni diine islaam iwdo e Kuraana tedduo o -haala Alla- e hadisaaji timmorde annabaabe Muhammadu -yo o his- tabitindi dūum, sabu ko deenaado o yamirtah si wonah yamiroore Alla, o hadfatah si wonah ko Alla hadi, haal e bernde hisnde: mi goondinii Alla woni Joom am e deweteedo am gooto, wii mi goondinii Muhammadu ko nelaado Alla mbedfa mbo rewa, aan a alah kisal si wonah dūum.

Yo Alla hawrin en e malal e kisal...Aamiin.

\*\*\*

**Keerol tatabol  
Anndude diine islaam goonga**

Si a anndii- aan kakkildo- ko Alla tag ma woni Joom ma arsaqin ma, te ko kanko woni Alla gooto goonga mbo alah denndidiijo, na waddi ma rewde mbo kanko tan, nganndu-daa wonde Muhammadu ko nelaado Alla faade e maa e denndaangal aade en, anndu iimaan ma sellatah e Alla e nelaado makko si wonah a anndu diine islaam goondin-daa mbo gollir-daa mbo, sabu ko kammo Alla welaa yamiri mbo nelaado makko, O neldi mbo timmorde annabaabe Muhammadu -yo o his- faade e aade en fof, O fawi e mabbe gollirde mbo.

## **1 – Anndinde islaam:**

Nelaado Muhammadu -yo o his- timmoode nulaabe, nelaado Alla faade e aade en fof. Nde ceedoto-daa deweteedo alah si wonah Alla, e Muhammadu ko nelaado Alla, ndarnaa juulde, tottiraa askal, kooraa lewru koorka, kajjaa ka suudu Alla hormaandu ndu si afa hattani laawol -14-.

Islaam ko diine winndereyanke mbo All yamiri aade en fof, nelaabe Alla goondini mbo, be holli jebbilanaade Alla, Alla holli ko kammo woni diine goonga, O jabatah diine mbo wonah diine islaam, **O daali:** Tigi tigi woni diine ko Islaam. Aali Imraan: 19. Alla daali: Kala dabbufo diine ko wonah islaam o jabantaake, kanko to laakira ko e waawoobe o jeyetee. Aali Imraan: 85.

## **Maana tonngaado aayeeje de.**

Alla Mbo habra wonde diine ka makko ko islaam tan.

E aaya tatafo o Alla na habra wonde O jabatah diine mbo wonah diine islaam, malaabe caggal maayde ko juulbe tan, maaybe e diine mbo wonah islaam ko waasbe lebteteebe ka laakara nder yiite.

Ko dum saabi denndaangal annabaabe jebbili e Alla, be holli hisde be e kala mbo jebbilaaki, kala yahuud e nasaara paado hisde e maleede yo naat islaam, yo o rew nelaado islaam Muhammadu-yo o his-haa o wona dewfo Muusa e lisa e goonga, sabu lisa e Muusa e Muhammadu e denndaangal nelaabe Alla

ko muslimiin, noddube e diine islaam, sabu ko kambo woni diine mbo Alla neliri be, sellantah hay gooto caggal nuleede Muhamamdu haa aduna gasa, nde o innirta hoore makko juuldo si wonah o goonin Muhammadu ko nelaado ummaade ka Alla, kadi o rewa e makko o gollira Kuraana mbo Alla tellini o, **Alla daali**: Maaku si wonii odon yidi Alla ndewee kam Alla yida on O hafrana on bakkatuuji mon Alla ko jaafotoodo jurmotoodo. Aali Imraan: 31.

### **Maana tongaado aaya o.**

Alla na yamira Muhammadu nde wi'ata oon noddittoofo yidde Alla: Si wonii on yidii Alla tigi rewee kam Alla yida on, Alla yidatah on yaafoo bakkatuuji mon, si wonah on goondin nelaado mum Muhammadu ndew-don mbo.

Oo islaam mbo Alla neldi Muhammadu faade e fof en, ko kambo woni timmufo kuptidindo newiifo, mbo Alla timmini welanaa mbo jiyaabe makko, O jabantaabe mbo wonah oo diine, ko kambo annabaabe mbeltondiri be goondini mbo, Alla toowfo O daali ka Kuraana teddufo: Hannde timminan-Mi mon diine mon kempinan-Mi on neema Am, mbelanaa-Mi mon Islaam diine. Al Maa'ida 3.

### **Maana tongaado aaya o.**

Alla na habra e oo aaya teddufo mbo o tellini e timmoode annabaabe Muhammadu -yo o his- ombo darodii e juulbe to Arafa ka makka e hajju baynagol hobe ndeeyda e joomiibe, e sakket nguurndam nelaado Muhammadu -yo o his- caggal nde Alla walli mbo islaam sarii, tellagol quraana timmi.

Alla na habra wonde O timminanii juulbe diine mum en, e neema Makko ngam nelde Muhammadu -yo o his- e tellinde quraana teddufo o dow makko, O holli O welanaama be islaam wona diine mum en, O jabantah hay diine gooto mbo wonah diine islaam.

Kanko ceniifo Ombo habra wonde islaam mbo o neldi Muhammadu oo faade e aade en fof, ko kambo woni timmufo,

kuftidindɔ labaaɔ kala waktu e nokku, ko kamambo woni diine ganndal e newuya e nuundal e jam, ko kamambo woni laawol laabtungol pooccingol timmungol wonande nguurndam, kombo diine e dowla ina e hembo laawol goonga ngam laamaade e ñaawde e dawrugol e renndo e faggudu, e kala ko aade na hatojina e mum to banngɛ nguurndam aduna, ko e hembo malal mum en aduna e laakara woni.

## 2– Jookli islaam:

Islaam timmuɔ mbo Alla neldi Muhammadu-yo o his- na mahii e jookli joy, aade waawah won juulɔ tigi si goondinaani ɗi gollari ɗi, ɗiin ngonii:

Seedaade deweteɔ e goonga alah si wonah Alla, e wonde Muhammadu ko nelaɔo Alla.

- ✓ Darnude juulde.
- ✓ Tottirde asskal.
- ✓ Hoorde lewru koorka.
- ✓ Hajjude to suudu Alla hormaandu to laawol wonande oon kat-tando.

### a) Jookdu adanuru:

Doosgal gadanal: **Seedaade deweteɔ alah si wonah Alla e wonde Muhammadu ko Nulaɔo Alla.**

Oo seede na jogii maana juulɔ na foti anndude ɗum, kaaloowo mbo e ɗemngal makko golliraani mbo tawa anndah maana makko naftortaako oo seede.

Woni maana laa “ilaaha illalaah”: Ko deweteɔ e goonga alah e nder leydi wonah e kammu tawi wonah Alla gooto O, ko Kanko woni Alla goonga mbo wonah Mbo fof ko meere, woni ilaahu ko deweteɔo.

Kala dewɔo ko wonah Alla yeddii mbo renndinii mbo, hay si wonii dewaɔo o ko annabi wolla waliyu, hay si ko e hujja baɗoraade e jokkoraade Alla, sabu nelaɔo haɓoraaki sirkube si wonah ko ɓe ndewri ko annabaabe e waliyaabe sabu oo hujja, kono ko mbo hujja meere duttaɔo, sabu balloraade Alla wonata

ko e inde makko e sifaaji makko e golle labaaɗe ɗe o yamiri ɗe, hono juulde, e sadak, e jikru, e hoorde, e jihaadi, e hajju, e jabande jinnaabe, e toraade, juulɗo toranato musidɗo mum juulɗo tawaado nde o torotoo.

## **Dewal Alla ko nooneji keewɗi, ina heen:**

### **Toraade.**

Ko ɗuum woni ɗabbude haaju mbo hattantaa mbo si wonaa Alla hono tellinde tobo, e safrude mbo sellaani, e ittude cadeele ɗe tagaado waawah ittude, wolla toraade aljanna maa hisde e yiite, e toraade bibbe, e arsuka e maleede e ko nanndi e ɗuum.

Dum fof ko Alla tan ɗabbirtee, kala toriido e tagaado guurɗo wollo maay ɗo e ɗuum o rewii mbo, Alla noon yamiri jiyaabe makko yo be toro Mbo kanko tan, sabu toragol ko dewal, kala paandiido ɗum ko wonah Alla oon jeyaa ko e yimbe yiite, Alla toowɗo Oo daali: Joomi mon daali toro-ɗee kam Mi okka on, been mawnikintoobe rewde Mi maa be naat jahannama hobe ngonni hoybe. Gaafir: 60. Alla toowɗo Oo habri wonde toraade be ngonah Kanko, be ngalanah gooto nafaore wolla lorla, hay si be ngonni annabaabe wolla waliyaaabe. Maaku toro-ɗee be ngannduɗon ko aldaa e makko, be mbaawah huncande on lor wonah waylude mbo. Al Israa 56, e aaya dewɗo heen, Alla daali: Pellet misidaaji ɗii ko Alla ngoodani wotee noddidee e Alla hay gooto. Al Jinni: 18.

### **Hirsude njawdi (gattude) wolla waɗde ballinooji.**

Sellatah nde neddo ballortoo Alla rufde ɗiiyam, wollo badoraade ballinooji, wolla takkirde ko wonah Alla, kala kirsirɗo ko wonah Alla-hono hirsude nagge ngam yenaande wolla jinne - o rewii mbo wonah Alla o haandii e kudɗi Alla, Alla daali: 162. Maaku : "Pellet, juulde am nden, e kirse am ɗen, e nguurndam am ɗam, e maayde am nden, ko Alla woodani, Jeyɗo Winndere nden. Al An'aam: 162-163.

Nelaado -yo o his- maaki: -yo Alla huɗ kirsirɗo ko wonah Alla. 16.

Si aade wiyii: woodanii kaari takkere e dow am si kaja e



kaja mbadii nde cakkoto-mi dum wolla, wolla mi golla kaja, ngol takkugol ko sirku, sabu ko hunaade sabu aade, hunaade wolla takkude ko dewal sellatah si wonah ko firlitaa faade Alla, takkude mbo sariya ko nde aade wiyata: mi aadanii Alla nde cakkortoo-mi kaja wolla mi golla dum si dum hebii kam.

## **Faabnaade e wallikinaade e moolaade <sup>1</sup>.**

Hay gooto faabnortaake wallinortaake, mooletaake si wonah Alla, Alla toowdo O daali: Ko Aan min ndewata ko Aan min mballintoo. Al Faatiha: 5. Alla daali: Maaku mbedo moolo e joom falaq.<sup>2</sup> E bone ko o tagi <sup>3</sup>. Al Falaq: 1-2. Annabiijo on mo jam e kisiyee woni e mun on maaki: Pellet mi faabnortaake, kono faabnorte ko Alla. Be maaki kadi: Si a toriima toro Alla, si ana wallinoo wallino Alla: 19-.

Aade guurdo tawaado, na sella nde o faabortee o dabfire ballal, e huunde nde o hattani, tawi ko moolaade, hay gooto moolortaake si wonah Alla. maaydo e birniido paabinortaake mballinortaake, sabu o alah hay huunde, hay si o wonii annabi wolla waliyyu maa laamdo.

Ko wirnii ko Alla tan anndi, kala nodditiido anndude mbirniindi ko keefeero, mbo foti fenneede, si o wiyii huunde maa nde waf nde wadi nanngirten dum tan ko ko hawriti, nelaado- yo o his- maaki: Kala gardo e wage wolla piyoowo ceede, o goondini ko o haalata ko, o yeddii ko tellina koo e Muhammadu.<sup>4</sup>)

**Wakkilaade e joortaade<sup>5</sup> e hulde:** Aade woto wakkilo si wonah e Alla, woto o joorto si wonah e Alla, woto o hul kulol gondungol e yankinaare si wonah Alla gooto o.

---

<sup>1</sup> Wallakinaade: Woni toraade ballal e mbaadi kuubtadinndi, faabnaade: woni toraade faabeede saanga bittere e satteende, moolaade: woni toraade moolaade e ndeenka e oon duñoowo bone e ko aña.

<sup>2</sup> Ahmadu yaltanii mbo (22758\317\5) e Tabraani (246\10), Al baani sellini mbo.

<sup>3</sup> - Ko Tirmiji yaltani mbo (2516) e Ahmad (2802) e Tabraani (2820) (12989) Tirmiji wiyi kombo labaado celludo.

<sup>4</sup> Abuu Daawuud yaltani mbo(3904),e Tirmiji (135) e Ibnu Maja (639) Albani sellani mbo e nder sahiih targiib (3047)

<sup>5</sup> Wakkilaade won Hoolaade bernde e fawaade nde e bakkilaado o e dow makko, njoorto woni: yowitaade bernde e hebde huunde yifaande nde siwah arde.

Renndinde e Allan na jeyaa e ko sumata ko heewi e jeyaabe e islaam, be nodda wuurbe mawninaabe ko wonah Makko, e yimbe genaale, be mbanngoo e jenaale mum en, be dabbira be haajuuju mum en, dum ko noone e rewde mbo wonah Alla, dum wonah juuldo hay si o nodditiima islaam, o wiyi “laa ilaaha illaa allaahu” e Muhammadu ko nelaado Alla, o juuli o hoori, o hajji, Alla daali: Tigi tigi wahyaama e ma e been adiiibe ma si a sirki maa golle ma mbon maa a jeye e pertube. Ajumari: 65. Alla daali: Eehey mon Banii Israa’iil ndewee Alla Joom Am e Joom mon pellet kala renndindo Mbo e goddo Alla harmina aljanna e dow makko, moolorde mum ko jayngol tooñoobe ndañatah wallidiibe. Al Maa\*ida: 27

Alla daali na yamira Nulaado makko Muhammadu -yo o his-yo O haalan yimbe mum: Maaku pellet ko mi bannduyanke hono mon, ina wahyee e am wonde tigi tigi deweteedo mon ko gooto, kala tijjiido hawrude Joomi makko yo o gollu ko lobbi woto o rewdu Alla e goddo. AL Kahfi: 110.

Bee majjuibe anndube bone e majjere koomti be, been anndube yogo e cate be majji tawhiid te ko dum woni ngooroondi diine, be nodda e sirku, majjude be maana mum e innde tefngo e jokkorgal, woni hujju mabbe ko taawiilaaji bondi wonande yogo e yi’e hadisaaji penaadfi ko booyi e ko booyaani e dow nelaado Alla- yo o his- e jeewte e koydi daaniibe di seytaane sañani be, e ko wonah duum ko be ndenndini e defte mum en, ngam be cembinira dewgol mum en ko wonah Alla, rewde seytaani e belaade e ñemmbude baabiraabe e taaniraabe, hono sirkube adiiibe.

Jokkorgal ngal Alla yamiri en ndaarde dum, e konngol Alla (dabbiree mbo jokkorgal) Al maa’ida 35, duum woni golle lobbe e woottinde Alla, e juulde, e sadak, e koorka e hajju, e jihaadi, e yamirde ko labaa, e hadde ko boni, e jokkude endam, e ko nanndi heen. Tawii ko ñaagaade maaybe e faabnoraade be saanga sattere e bitte na teskee ko rewde be.

**Tefngo annabaabe e waliyaabe e juulbe** wodbe be Alla sakkitani tefngo, ko goonga mbo min ngoondini, kono

dabbirtaake maaybe, sabu ko hakke Alla alah keboowo si wonah mbo Alla sakkiti, joom tawhiid torotoo ko Alla, o wiya: Tefanam e annabi Maa e jiyaabe Maa moyyube, o wiyatah aan kaari tefanam, sabu ko o maaydo, maaydo dabbirtaake tefande aade hay huunde haa cay, Alla daali: Maaku tefoore woodani ko Alla, laamu kammuuji e leydi woodani ko Alla, refit heen ko ka makko nduttoto-don. Ajjumur: 44.

Ina jeya e bidaaji karminaadi luutondirdi e islaam di nelaado hadi e nder hadisaaji cellufi, e Sahiihayni e sunan: **jaggiirde misiidaaji genaale** e mahde dow majje, e pentirde di e winndude e dow majje, e fawde heen ridooji, e juulde e yenaande, dum fof nelaado hadii dum, sabu na jeya e sababuuji rewde joom majje.

Ko nih woni ko hollirta ko majjube ngollata koo e yoga e jenaale e leyde keewde, wano yenaande Badawii e seyyeda jeynaba to Misra, e yenaande Jeylaani to Iraaq, e genaale gaskinaade Ahlul Bayti -yo Alla wele be- to Najaf e Karbala to leydi Iraaq, e genaale to leydeele godde e wanngaade sara majje e toraade joom majje haajuuji, e goondinde nafoore wolla lor majje.

Bee e golle mabbe ko sirku e majjere, hay si be nodditiima islaam be njuuli, be koori, be kajji, be ngowli seede “laa ilaaha illal laah” e Muhammadu ko nelaado Alla, sabu mbo wowli deweteedo alah si wonah Alla o nanngirtaake tawhiid, haa o annda maana mum- hono no mbiiruno-don nih ko adii- mbo wonah juuldo ko duum naatirta islaam, o nanngiree juuldo haa ko luutndi dum yi’ee e makko hono heddaade e sirku, hono bee majjube, wolla yeddude e farillaaji islaam caggal annude di, maa o goondina diine luutndiido islaam.

Annabaabe e waliyaabe<sup>6</sup> na kisi e been noddoo-be be

---

<sup>6</sup> -Waliyaabe Alla ngoni wootadinbe doftiibe Alla, rewbe nelaado makko -yo o - ina e mabbe anndiraabe ganndal e jihaadi, ina e mabbe be nganndaaka, ganndaado e mabbe faaletaake laatineede ceniido, waliyaabe tigi noddittaako waliyaagal, kono anndaabe be na mbiya kobe rabbiiniibe, be ngalah comci keeriidi wolla mbaadi keeriindi tawi wonah neemtinde nelaado-yo o his- kala juuldo gootadindo dewdo nelaado na jogii huunde e waliyaagal fotde moyfere makko e doftagol makko, ko laabanta ma nodditoodo waliyaagal, be boorno comci keeriidi ngam be teddine,

paamniroobe, sabu Alla toowdo neli nelaabe makko ngam noddude e rewde Mbo kanko tan, e accude rewde mbo wonah kanko foti ko annabi wolla waliyyu e ko wonah been.

Yidde nelaado e waliyaabe ñemmbube mbo, yidde be noon woni ñeemtinde be e rewde laawol mabbe, juuldo tigi yidat annabaabe e waliyaabe, kono o rewataa be.

Miden ngoondini wonde yidde nelaado - yo o his- na waddii e men ko buri yidde pittaali men e koreeji e bibbe men e yimbe fof.

## -Fedde hisoore nde

Juulbe na keewi to bannge limoore kono na pamdi ka goonga, plle juulbe askitintoobe e islaam na keewi na tolnoo e 73 fedde, to limoore hobe tolno e ujunere miliyon -23-, kono ko fedde wootere woni heen e goonga, honde wootina Alla nde rewa e laawol nelaado Muhammadu -yo o his-, e wondiibe ka golle lobbe, hono no nelaado habriri nih, o maaki: Yahuud en pecciima pecce 71, nasaara en peccii pecce 72, maa leñol am pecco ko wonata 73 fedde kanje fof ko e yiite si wonah heen wootere. Sahabaabe bee mbii: honde woni ndeen aan Nelaado Alla? O maaki: ko gondo ko ngon-mi ko e dow mum miin e wondiibe am 24.

Ko nelaado woni e wondiibe makko ngoni fibnde, maana alaa deweteedo e goonga si wonah Alla, e Muhammadu ko nelaado Alla, e gollirde duum e baagaade Alla gooto O, e hirsande e takkande Alla tan, e tottirde jookli islaam ngam Alla, e goondinde malaykaaji e defte makko e nelaabe makko e ummital e haasbeede e aljanna e yiite e hoddiro ko labaa heen wolla ko boni fof ko e Alla ummii. E ñaawirde quraana e sunna nder banngeji ceertudi e weleede ñaawoore, e yidde wondiibe nelaado en, e yidondirde e waliyaabe e aãde aãbe Alla, e noddude faade e Alla e jihaadi e laawol makko e hawrude e duum, e nanande e jabande mawdo juulbe si o yamirii ko moyfi, e

wowlude konngol goonga no waawi waade fof, e yidde suddiibe nelaado -yo o his- e besngu (mbootu) makko, e yidde wondiibe nelaado e arinde be fotde bural mabbe e weleede be kambe fof, e accude ko yani koo hakkunde mabbe {25}, e wasde goondinde ko naafikeebe njuwata be ko, sabu faandaa e ngool juwgol ko seerndude juulbe, na woodi e anndube mabbe hoddiroobe ko wayi nih, be tabitini dum e defte mabbe wondude e anniya labaado.

Noddittoobe ko e besngu nelaado be njeya na poti yananeede sellude duum, sabu Alla hudii gaskitintoodo e mbo wonah baaba makko, si tabitii asko mabbe na fawii e mabbe ñemmbude nelaado e yimbe galle makko ko faati e labbinde tawhiid e accude goopi e wasde weleede ko yimbe turantoobe ko, e urnaade koppo mabbe e pele mabbe, e wasde seertude e musidbe mabbe juulbe e comci keeriidi, sabu ko wayi nii na luutondiri e ko nelaado wonnoo koo e mum, te ombo hisi e duum, buri teddude ka Alla ko burdo hulde Mbo.

Yo Alla juul e Nulaado men Muhammadu e mbootu makko e sahabaabe makko fof.

**– Ñaawde e sariyinde ko hakke Alla, mbo O heedori kanko gooto, to sariya woodi fof nuundal e bural e yurmeende hebee.**

Ina jeya e maana “laa ilaaha illaa allaaah” potdo fibeede e gollireede: ñaawoore e sariya fof ngoodani ko Alla tan, daganaaki aade nde o sariyinta sariya luutndiido laawol Alla ngol e kala fiyaaku, daganaaki juuldo nde o waasta ñaawrude ko Alla tellini, daganaaki mbo nde o weletee ñawoore luutndiinde laawol Alla ngol, dagaaki kadi nde o dagnata ko Alla harmini, wolla o harmina ko Alla dagini ko, kala baddo duum e beleede wolla ombo teyi, ko o keefeero, Alla daali: Kala mbo ñaawiraani ko Alla tellini ko, ko been ngoni heefereebe. Al-Maa’ida .44

**– Golle nulaabe be Alla neli be**

Woni noddude yimbe e konngol wiide -laa ilaah illallaah- e

gollirde ngol, ko duum woni rewde Alla kanko tan, e yaltude e rewde tagaado e sariya makko faade rewde tagdo e sariya makko kanko tan denndidiijo alanaa mbo.

Kala janngirɗo quraana e teskuya o wodɗitii ñeemtingol gumngol, o anndat tigi ko min banngini koo woni goonga, o annda Alla dottanii mbo keerol wondude e Alla e tagoore nde, o laatini jokkondiral maccudo makko juulɗo e joomiiko, yo o rewat mbo e denndaangal dewe, woto o rew mbo wonah kanko, o laatini jotondiral hakkunde makko e annabaabe e waliyaabe yidde be gilli dewɗi e gilli makko -ceniido o- e ñemmbude be, o waɗi jotondiral hakkunde makko e ańbe makko heefereebe ko ańde be, sabu Alla na ań ibe. Wondude e duum fof yoo noddube faade e islaam mbela joo be peewa, yo juulbe kab e mabbe si be caliiima islaam, be calii yankinanaade ñaawoore Alla, haa fitina waasa woodde diine o fof mbo wonana Alla, ɗii maanaaji wonande konngol tawhiid no waɗɗi e juulɗo anndude mbo o gollira mbo, ngam o wona juulɗo tigi.

Maana seedaade wonde Muhammadu ko nelaado Alla:

Woni maana seedaade Muhammadu ko nelaado Alla: ko anndude e fibde wonde Muhammadu ko nelaado Alla faade e aade en fof, e wonde ko o maccudo o rewetaake, o fennetaake, o foti ko dofteede e sukkeede, doftiido mbo naata aljanna, goopɗo naata yiite, e anndude fibde sariya hebetee, foti ko mbo dewe Alla wolla ko e njuɓɓudi laamu e sariya to banngeeji ceertudi, maa harminde wolla dagnude, wonatah si wonaa ummoraade he oo nelaado Muhammadu - yo o his- sabu ko kanko woni nelaado jottinoowo sariya makko o, daganaaki juulɗo nde jabata sariya si mbo ummoraaki e oo nelaado, Alla daali: Nanngée ko nelaado addani on ngaccon ko o haɗi on, kulee Alla pellet Alla ko cattudo lepte, Al Hasri: 7. Alla daali: Hey, Mi Woondirii Joomi maada, be gomɗintaa haa be ñaawinora maa huunde ko yani hakkunde mabbe, refit heen be hebataa bitteende ka pittaali mabbe e duum ko ñaaw-ɗaa, be jebbiloo tigi, Annisa: 65.

## **Maana dee aayeeje dīdī:**

Alla na yamira e aaya gadano he nde juulbe doftotoo nelaado Muhammadu e denndaangal fiyakuuji mabbe, yo be ngaccu denndaangal ko o hadi be, sabu o yamirta ko e yamiroore Alla.

E aaya dimmo he, Alla na woondira e fittaandu makko seniindu ndu, wonde goondinde Alla e nelaado makko sellataa haa nelaado wona ñaawoowo ko yani ko hakkunde makko e goddo {26}, refit heen o welee ñaawoore nde, o jebbiloo foti ko nde wonannde mbo wolla dow makko. Nelaado maaki: « Kala golludo gollal tawa yamiroore amen alaa e maggal, ngaal ko rutteteengal ».

## **Noddaandu.**

Si a anndii - aan kakkildo- laa ilaaha illal laahu e Muhammadu rasuullul laahi, nganndu-daa wonde ko seede woni naatirgal islaam e ngooroondi do mbo mahii, wowlu e bernde laabnde: mido seedoo deweteedo e goongo alah si wonaa Alla, mido seedoo wonde Muhammadu ko nelaado Alla, gollir maana oo seede, haa kebaa malal aduna e laakira, kadi kisa e lepte Alla caggal maayde.

Anndu woni ko ngol ceedagol - deweteedo e goongo alah si wonah Alla e Muhammadu ko nelaaao Alla, gollirde denndaangal jookli islaam keddiidi di, sabu Alla farlii dii jookli e juuldo ngam o rewa Mbo e tottirde di e goondude e labbinde ngam makko, kala goppudo heen jookdu ko aladah e ngantu, o bonnii maana "laa ilaaha illa allaah" seede makko wonatah celludo.

## **b) Jookdu dimmuru e islaam ko Juulde.**

Anndu aan-kakkildo- doosgal dimmal e doosde islaam ko: juulde, ko juuldeele jowi nder ñalawma e jemma, Alla sarayini dum ngam wona jokkorgal hakkunde maa e Alla, ndeeyaa Mbo tor-daa Mbo, juulde nde hada aade pankare e gañadi, o heba foftere fittaandu e banndu, ko malnata mbo aduna e laakara.

Alla sariyani juulde laabal banndu e comci e nokku mbo o juulata o, juulde labbinoroo ndiyam laabdam e sobeeji, hono coofe e doodi, ngam o labbina banndu mum e sobe tinateedo e mbo tinetaake.

Juulde woni noorol diine, ko kannde buri himmude e jookli diine caggal sahaadatayni, juuldo na foti reende juulde gila o hellifa haa o maaya, na fawii mbo yamirde nde galle makko e sukaabe makko gila be kebi duubi jeedidfi, ngam be ngoowa dum, Alla daali: pellet juulde ko farilla baddinaado e dow juulbe, Annisaa: 103. Alla daali: be njamiraaka si wonah rewde Alla tawa ebe labbinani mbo diine ebe ngoni moyyube (hunafaa en), be ñiibna juulde be tottira askal ko duum woni diine poocciido. Al Bayyina 5.

### **Maanaa tonngaado e aayeeje de.**

Alla na habra e aaya gadano o, wonde juulde ko farilla baddiido e dow juulbe, na fawaa e mabbe nde be tottirta nde e waktu mum dottaado o.

E aaya dimmo o, Alla na habra wonde huunde nde O yamiri yimbe O tagribe ko nde be ndeewata Mbo kanko tan, be labbinana Mbo dewal, be ndarna juulde be tottira askal wonande haandube heen.

Juulde koko waddii e juuldo e denndaangal alhaaluuji foti ko e kulol wolla ñawu, neddo na foti juulde fotde ko hattani foti ko o joodiido wolla dariido wolla leliido, hay si o hattanaani si wonah jooporde yitere wolla bernde mum, yo o juul no o hattaniri, nelaado habri wonde ngaccudo juulde wonah juuldo gorko wolla debbo, o maaki: Aadi gonodo hakkunde men e mabbe ko juulde, kala gaccudo nde o wonii keefeero.

### **-Juuldeele jowi dee ngoni:**

**Juuldeele:** fajiri e tiisbaar e takkusaan e futura e geeƴe.

Waktu juulde subaka na fuddoo weetndoogo (feeñde annoore subaka) ende yalta saanga pudal naange, leelnude nde



haa caggal waktu mayre dagaaki; waktu juulde tiisbaar na fudfo gila naange e hoore haa mbeelu huunde fota e joom mum; waktu juulde takkusaan na fudfo caggal gasgol waktu tiisbaar haa nde naange sooydi, dagaaki neebnude nde haa caggal waktu mayre; waktu juulde futuro ko caggal mutde naange, na gasa si safqi bodeejo wirniima, leelnude nde haa caggal waktu dagaaki; waktu juulde geeye ko caggal juulde futuro haa wattan jemma mbo leelnetaake caggal duum.

Si juulfo neemni juulde wootere gaa waktu mum ko aldah e ngantu haa waktu yalti e te o alah hadre sariya hadoore muuyaande makko, o wadii bakkaat njano, tuubde na fawii mbo, Alla daali: Woyli woodanii juuloobe (4) welsindiibe juulde mabbe (5), Al Maa'uun 4-5.

**-Ñaawooje juulde:**

### **Gadanel : Laabal:**

Ko adii de juulfo naatata e juulde alah e sago o laaba, o labbina yaltirde si huunde yaltii heen hono taare wolla doodi, refit heen o nannga (salligoo).

Nanngal (Sallige): o anniyto e bernde makko o haalatah anniya o, sabu Alla na anndi, te nelaado haalataano dum, o wiya bismillaahi, o wufyoo, o sorbiniroo ndiyam hinere makko o fiiftoodam, o loota denndaangal yeeso makko, refti heen o loota juufde makko e cogonnaaji o fuddora ñaamo, fawii heen o moomra hoore makko juufde makko, ko noon kadi noppi makko, refti heen o loota koyde makko haa he kolbule, o fuddoroo ñaamal ngal.

Caggal laabal si Juulfo yaltinii coofe wolla doodi wolla henndu ma hakkille makko yahi sabu doyngol wolla fekkorde, o filloto laabal si o faalaama juulde, si juulfo wondii e janaaba, maa aniyyu yalti e makko wondude e tuuyo hay si ko e doyngol foti ko gorko wolla debbo, oon lootat denndaangal banndu makko e janaaba he, debbo kadi si laabii e fiilayru wolla besngu waddiima mbo o loota denndaangal banndu makko, sabu piiliido e gondudfo e yiifam besngu sellatah be njuula si wonah caggal lootngal, juulde wadfaaki be haa be laaba, Alla hoynani be

yobde juulde, ko heddii koo noon ebe njoba dum hono worbe.

Oon baasdo ndiyam wolla huutoraade ndiyam na lora mbo hono ñawdo, oon yo o taamo, sifa taamagol: Anniyaadee laabal e nder bernde makko, o fiya juude makko e leydi fiyannde wootere, o moomirade yeeso makko, refti heen o moomira nder junngo makko nano caggal junngo makko ñaamo, o moomira nder junngo makko ñaamo caggal junngo makko nano, ko hono nih woni o laabih, ngol taamagol na woodani piiliido wolla gondudo e dam besngu, si be laabih, e kala faalaado sallige si ndiyam ronkaama wolla huutareede dam hulaa.

### **Dimmel: Sifa juulde:**

#### **Juulde fajiri:**

Darde didi juuldo na huccita fudnaange foti ko gorko wolla debbo, ko duum woni kaaba gondo ka suudu Alla hormaandu ndu to Makko, o anniyoo e bernde makko juulde subaka, o wowlatah anniya o, refti heen o habbira o wiya: Allaahu akbar, o jangga ñaagunde udditgol juulde ina heen (senaare woodaniima Aan Alla e jettoode maa, innde maa barkani, soobe maa toowih, alah deweteedo mbo wonaa Aan) mbedo mooloo e Alla e bone seydaane kudaado, o jangga faatiha, oon woni: **En fuddorii Innde Alla, Huubudo yurmeende, Heerordo yurmeende. Yettoore woodanii Alla, Jeydo Winndere nden. Huubudo yurmeende, heertordo yurmeende. 3. Jeydo ñalngu njobdi. Ko Aan min ndewata ko Aan min mballintoo. Feewnu min e laawol pocingol. Laawol ngol be neemindaa e dow mum en be ngonah tikkanaabe be ngonah majjube.** Al Faatiha 1-7. Alah sago nde juuldo janggirta quraana demngal arab {29} si wonii hombo hattani, refti heen o wiya Allaahu Akbar, o turoo o leesdina hoore makko e keeci makko, o fawa newe makko e dow koppi makko, o wiya “rabbanaa wolaka al hamdu” joom am jettooje ngoodanii ma; o wiya : Allaahu akbar, o sujja e leydi e cebe pedeeli koyde makko e koppi makko e juulde makko e tiinde makko e hinere makko, refti heen o wiya -subhaana rabbiyal aala- duum woni senaade woodani joomam toowdo, fawii heen o joodoo o wiya: Allaahu akbar, si o joodiima o wiya:

joom am yaafu mi, o wiya: Allaahu akbar, o sujja e leydi laawol gonggol, o wiya subhaana rabbiyal aala, duum woni senaade woodani joom am toowdo, refit heen o daroo o wiya: Allaahu akbar, o jannga faatiha haa sakket mayre hono darnde adiinde nde, ndeen o habbira o wada rukuu, o bamtoo, o sujjoaya, refit heen o joodo, o fawa heen sujuud dimmo o wiya: e diin nokkuuji wano ko o wiinoo e laawol gadanol ngol.

Refti heen o joodoo o tahiyo e wiide: Koofnaali e juuldee e laabdi ngoodanii Alla, yo kisal won e maa aan annabi e yurmeende e barke Alla, yo kisal won e amen e jiyaabe Alla laabbe be, mido seedoo goddo alaa ko Alla O tan, mido seedoo wonde Muhammadu ko maccudo e nelaado Makko Yo Alla juul e Muhammadu e yimbe galle Muhammadu, wano O juulirnoo e Ibraahiima e yimbe galle Ibraahiima, Aan ko A jetteteedo Teddufo, Alla barkin e Muhammadu e yimbe galle Muhammadu, hono mbarkinir-daa Ibraahiima e yimbe galle Ibraahiima, Aan ko A jetteteedo teddufo.

### **juulde tiisbaar e takkusaan e geeye cakkitiide:**

Wootere heen fof ko darde nay, o juula didi dee hono darde didi fajiri de, kono si o joodiima caggal majje ngam tasahudu o wiya yeru ko o wiino e jonnde makko ko adii salminde, o salmintah kono o ummoto o adda darde didi yeru gadane de, o joodoo kadi ngam tasahudu, o wiya no o wiino e darnde makko adanere, o juula e nelaado Muhammadu, refti heen o salmina e ñaamo makko, o rewna heen nano makko, wano o silminirnoo e juulde subaka.

### **Juulde futuro:**

Ko darde tati, o juula didi dee ko wano no ardorii nih, caggal duum o joodoo o haala ko o haalnoo e juuldee godde de, kono o silmintah, o ummoto o adda darnde wonnde, o haala o wada no o wadirnoono ko adii, refit heen o joodoo caggal nde o sujji dimmol, o wiya e jonnde makko ko o wiinoo ko e kala jonde e juulde, refti heen o salmina e ñaamo makko e nano makko, si o filliima ko o wiino koo e rukuu mum e sujuudu makko buri.

Worbe na poti juulde juulfeelee jowi dee e dental ka Misiida Imaam burdo waawde jande quraana ardo be, burdo anndude juulde buri labeede diine, Imaam na banngina jande si o ummiima e rukuu e juulde subaka, e darde didi gadane e juulde futuro e geeyfe wonbe caggal makko na hedoo mbo.

Rewbe na njuula ka galleeji wondude e suuraare e reentaade, hobe cuura denndaangal banndu haa e juude e pele, sabu dum fof ko awra si wonah yeeso, na yamiraa nde be muurotoo gaa worbe, sabu ko dum fitina mbo o anndirtee o loree, si debbo faalaama juulde ka misiide na waawi wonde si o muuriima o waasa wafde uranteeri, o juula caggal worbe, ngam o waasa be fitinde kambe ne mbaasa mbo fitinde.

Juuldo na foti juulde wondude e kulol gonndungol e yankinaare e bernde tawnaande, o deeyfa darnde makko e rukuu e sujuud makko, woto o yaawno maa o fija wolla banta gite makko faade e kammu, woto o haal ko wonah quraana e jikruuji juulde huunde fof wona e nokku mum {30}, sabu ko Alla yamiri juulde ngam o siftora.

E aljuma juulbe njuulata jumaa ko darde didi, imaam banngina janngugol hono juulde subaka nih, o kudba kudbaaji didi, o siftina juube o anndina be fiyakuuji diine mum en, tawede dum na fawii e juulbe wonndude e Imaam, ko dum woni juude tiisbaar nande aljuma.

## **6) Jookdu tataburu e jookli islaam ko: Askal.**

Alla yamirii kala juuldo jogiido jawdi njonoori nisaab<sup>7</sup> nde o yaltinta askal jawdi makko kala hitaande, o totta dum haandube e waasbe e wodbe be askal dagii totteede be, hono no quraana habiriri nih.

Nisaab kanje ko misqaalji noogaas, tawi ko kaalis ko teemedde didi mbuudu wolla ko foti noon e biyeeji kaalis, e njeeygu (marsandiis njulaagu) duum woni marsandisji ceertudi, si di ngonii nisaab, wadfiima e jeydo duum nde o yaltinta asakal si

---

<sup>7</sup> Nisaab woni fotde anndaande e jawdi nde askal wadfi.

timmii hitaande e junngo makko, nisaab gabbe e besnaade ko teemedde tati “saa’u”; kubeeje keblanaade njulaagu qiima majje na ngaskee, keblanaade luyaas njobdi majje askete, fotde nisaab kanje e kaalis e marsandisji ko nayabal sappo 2.5 % kala hitaande, tawii ko gabbe ko: 10 % ko yarnira ko aldah e tampere hono ko yarniraa ndiyam caatli wolla ceewle maa tobo; maa feccere sappabal 5 % ko yarniraa tampere yooqol (woggu) wolla hono mum.

Waktu jaltigol askal gabbe e besnaade ko nde soñaa nde, si o soñii laabi dīdī maa tati e nder hitaande waddiima mbo askude kala laawol. Ko faati e geloodi e na’i e ndammiri fotde nisaab majji na haalaa e ñaawooje islaam nduttee toon. Alla daali: be njamiraaka si wonah rewde Alla tawa be labbinani mbo diine ebe ngoni foocciibe be ndarna juulde be tottira asakal, ko duum woni diine poocciide. Al Bayyina: 5. Ina e jaltigol askal, weltinde pittaali waasbe e humtude haaju mabbe e semmbinde jokkondire hakkunde mabbe e aldube.

Diine islaam fawaaki e fiyaaki wallondirde renndo e ballondiral jawdi hakkunde juulbe e askal, kono no waddii e aldube wallude waasbe saanga heege, islaam harminii nde juuldo haarata tawa koddiijo makko na heydi, mbo waddini juuldo yaltinde askal mudda hoore, duum ko “saa’u” gooto e ñaamdu burndu jaalaade ko ñaamete e leydi he, dum na fawii e kala aade hay e famarbe, ko jogiido be yaltinanta be asakal, islaam waddini kaffaara woondoore {33} si o woondi maa o wad huunde o wadaani nde, Alla waddini e juuldo huubnude takkere dajiinde, O hirjini juuldo e “sadaq” gattal, O fodani nafkuba diggere ko buri moyfyude e njobdi, O fodani be sowaneede baraaaji ko wonata laabi sappo haa yottoo teemedde jeedidi, haa e cowe keewde.

### **C) Jookdu nayaburu e jookli islaam ko Hoorde.**

Hoorde lewru koorko, ko nduun waoni jeenaburu e lebbi hitaande fergo.

## Sifa koorko:

Juuldo anniyto koorka ko adii nde subaka laabata, refit heen o acca ñaamdu e yardu e rentude debbo e gorko haa naange muta, ko noon o wadata fotde lewru koorka ndu fof, tawa o faalaa heen ko weluya Alla e rewde Mbo.

Nafooje de limataako ina e koorka, buri heen himmude ko:

Ko dewal Alla e wafde ko yamiraa, e maccudo o acca tuuya makko, e ñaamdu e yardu sabu Alla, ko huunde burnde jeyeede e sababuuji kulol Alla toowdo O.

Tawii ko nafooje koorka to banngede cellal e faggudu e renndo na keewi sanne, ko hoordube fibnde e iimaan tan kebata dum. ***Eehey mon goondinbe koorka farlaama e mon hono no ka farliranoo e adiibe mon ngam kulon Alla. Balde limaade kala gondudo e ñawu wolla e danggal o limantee ko balde godde, soodtaade e ñaamdu miskiin na fawii e been hattanbe, oon jarlitiido moyfere ko duum buri moyfude e makko, horde on noon buri moyfude e mon si on nganndiino***, Nagge (bagara): 184. Lewru koorka ndu quraana tellini e mayru ko peewal wonande yimbe e labbinaadi e pewal e furqaan, kala e mon ceediido lewru ndu yo o hoor ndu, kala ñawdo heen wolla woni e danggal ko e balde godde o hooroyta, Alla yidani on ko newaare O yidanah on satteende timminee limoore mawninee Alla e ko feewni on ko mbela joo njetton Mbo, Al Baqara: (183-185).

## Ina jeya e ñaawooje koorka de Alla banngini nder quraana e de nelaado Makko Muhammadu -yo o his- labbini nder hadisaaaji:

Ñawdo e danniido be tayat be njoba ñaldii di be kooraani di, e balde godde caggal lewru koorka, ko noon kadi piiliido e mbo diiyam besngu, koorka mabbe sellatah, be tayat koorka e balde fiilayru e besngu, be njoboya balde de be kooraani de.

Ko noon kadi debbo reedu e muyninoowo si be kulanii pittaali mabbe wolla bikkon mabbe, been be tayat be njoba ko be

kooraani ko.

Si koordo ñaamii wolla o yarii o teyaani koorka makko ka na selli, sabu yejjitde e goopol e waawneede, Alla yaafiima duum leñol Muhammadu -yo o his- na fawii mbo yaltinde ko woni ko e hunduko makko.

## **D) Jookdu jowaburu e jookli islaam ko Hajju.**

Duum woni hajjoyde ka suudu Alla hormaandu ndu laawol gootol e nguurndam, ko beydii e gootol ko gattal, hajju na jogii nafooje de limotaako:

**Gadanel ngel ko:** rewruude Alla fittaandu e banndu e jawdi.

Dimmel ngel: Ina heen fottitde juulbe e nokku gooto, be bornoo comci gooti, be ndewa Alla gooto e waktu gooto, alah ko seerndi hakkunde laamdo e laamaado, e galo e baasdo, e baleejo e daneejo, fof ko tagu Alla e maccube Makko, ballondiral e ganndondiral wona hakkunde juulbe, be ciftora ummital e renndineede e nokku gooto ngam haasbeede, be kebloranoo caggal maayde doftaade Alla.

Faandaa e wangaade sera kaaba mbo Alla yamiri yo yimbe kuccu toon e kala juulde do be mbaawi wonde fof, e daraade e nokkuuji godfi to makka e waktuuji dottaadi, diin ngonni Arafaat e Mujdalifa e Mina, faandaa e dum fof ko dewal Alla toowdo O e dii nokkuuji tawa ko e mbaadi ndi Alla yamiri ndi.

Tawi ko kaaba e diin nokkuuji e denndaangal tagooje diin ndewetaake, di nafatah di loratah, dewal ko ngam Alla gooto O tan, ko kanko tan nafata o lora, si O yamiraano hajjoyde to Makka, hajjude toon sellantaano juuldo, sabu dewal Alla wonirta feere wolla belaade, kono ngal wonirta ko e yamiroore Alla e nelaado Makko, Alla daali: Woodanii Alla e dow yimbe hajjoyde e suudu ndu wonande kattando laawol gootol, oon jeddufo noon pellet Alla na yondanii gaa e winndere hee. Aali Imraan: 97

Umra na fawii e juuldo laawol gootol nder nguurndam foti ko wondude e hajju wolla ko kala waktu, juuraade misiide nelaado

ka Madiina wadfaaki e hajju wolla e kala waktu, kono na yidaa baddo dum na barjee, gaccudo dum leptetaake. Tawii ko hadiis biido kala kajjudo juuraaki mi tooñii kam, oon mbo sellaani, ko mbo pepindaado e nelaado -yo o his-<sup>8</sup>.

Jiyaara datnanteedo cardinaado wonande misiide, si juurotoodo yottiima o juuli tahiyatu al masjid, juuraade yenaande nelaado -yo o his- na daganii mbo, o salmina mbo o wiya: yo kisal won e maa aan nelaado Alla, o leesdina hito (sawtu), o dabbatah e makko hay huunde, o firlitoo, hono no nelaado yamiri nih leñol makko, e hono sahabaabe ngolliratnoo -yo Alla welebe-.

Kono tawii ko been darotoobe e yenaande nelaado -yo o his- ebe njankinii no juuloobe, be dabbira mbo haajuuji be paabnoro mbo be mbaða mbo heedo hakkunde mabbe e Alla, bee ko sirkube Alla te nelaado na hisi e mum en, kala juuldo na foti reentaade deen golle wondude e nelaado -yo o his- wolla wondude e goddo, refti heen o juuroo yenaande Abuu bakri e Umar -yo Alla welebe, o juuro Baqii e Suhadaa en, jiyaara sariya genaale juulbe, woni nde juurotoodo o salminta maaybe be o du'anoo be o siftora maaybde o firlitoo.

### **KO dum woni sifa hajju e umra.**

Kajjoowo na suboo jawdi dagiindi laabndi, o reentoo faggudu harmundu, sabu njawdi harmundi ko sabaabu ruttude du'aa, hadiis nelaado - yo o his- arii kala teewu pudngu e Suhdu ko yiite buri haandude hengu.<sup>9</sup> O suboo wondiibe labaabe yimbe limaan e tawhiid.

### **Miiqaatuuji Hajju.**

Si o yottiima e Miiqaat o harmina toon, si o woni e mobil wolla ko wa\*i noon, si o wonii e ndiwoowo o harmina si o badiima

---

<sup>8</sup> - Ko hono noon kadi hadiis( jokkore e jaahu am, sabu jaahu am ko jaacdo to Alla) e hadiis mbo moyfi jikke e haayre nde nafa mbo.Di fof ko hadisaaji pepindaadi di cellaani alah do di ngoni e defte hadiis tesketeede de, kono di ngoni ko defte majjinoobe noddooobe faade e sirku e bida tawa be tinaani.

<sup>9</sup> Ko Tabrani ka awsaaf (4480), e Bayhaqi ka Su\*abul limaan (2\2\173), Albaani sellani mbo e silsilati assahiihati (212/6).



ko adii nde o wirtato miiqaat o. Miiqaatuuji di neelaado yamiri yimbe be ko joy, diin ngoni:

- 1- Jul Huleyfat (Abyaar Alii), wonande yimbe Madiina.
- 2- Al Juhfata (sara Raabigh) yimbe Saam e Misra e Magreb.
- 3- Qarnu Al Manaajil (Assaylu wolla Waadi Muharram) wonande Najdi en e Taa'if e wonbe banngeeki mabbe.
- 4- Jaatu Iraqin, wonande yimbe Iraaq.
- 5- Yalamlam, wonande Yamannaabe.

Kala birtiido heen gooto te wonah e yimbe mammo si o haaji o harmina doon, yimbe Makka e be galleeji mabbe ngoni gaa e miiqaat hobe karmina e galleeji mum en.

### **Sifa ihraam.**

Ina yidaa nde karminoowo o laabata o wada uuranteeri, o boorno comci Ihraam nder Miiqaat ko adii nde o harminta. Badfiido ndiwoowa na heboo to leydi makko, refti o fiba anniya o wada talbiya<sup>10</sup> si o badiima miiqaat wolla o sawndii mbo; comci ihraam wonande gorko ko sakkaare e wudere nde fiiootaaka, o fiila dum o muuratah hoore makko. Tawii ko debbo o hara comci toddaadi, kono tan o boornoto comci jaajdi cuuratdi di ngalah fitina, si o harminii o bornotaako fiiootaadi e yeesa makko, kono tan ombo muurira yeeso makko si o yi'i worbe misoor makko gondo e yeeso makko, hono yummiraabe juulbe e suddiibe Sahabaabe.

Refte heen nde o boornii comci ihraam o anniyoo umra, o nootoo o wiya: Allaahumma labbayka umratan- Alla mi nootima ma umra, o dakmitoo faade e hajju. Dakmitaade buri labeede sabu nelaado -yo o his- o yamira dum wondiibe makko, o wadfini be duum, o tikkani been saliiibe siinude duum, si wonah jogiido hadiyya <sup>11</sup> oon na heddo ko cindinirdo, hono no nelaado

---

<sup>10</sup> Hombo nooto: o wiya: Labbayka hajjan labbayka umratan, duum woni duumaade e nootaade.

<sup>11</sup> Mutamatti woni dakmitiido, oon woni badoowo umra e yonta hajju, refti o dakmito

wadīrnōo -yo o his- Bađđo qiraan: woni bi'oowo e talbiya makko (Allaahumma labbayka umratan e hajjan) ihraam makko dagtataaka haa o booroo ñande juulde.<sup>12</sup>

Bađđo ifraad: anniyto hajju tan o wiya: Allaahumma labbayka hajjan (aan alla mi nootii ma hajju).

## **Gede kadaade e karmindo e hajju:**

Si juuldo fibii harminande hajju harmii e makko:

**-Renndude debbo e gorko** leeso wolla ko addata dum hono uurnaade wolla memde tawa dakamme na faandaa, e haalde duum e yamde debbo, e fibde dewgal, karmindo resatah rese-taake.

**-Labaade hoore** wolla ittude heen huunde.

**-Hooltaade cegeneaji.**

**-Muurde hoore gorko**, kono tawii ko wono parasooyal wolla tilliis maa mobil duum harmaani.

**-Wadde uuranceeri wolla uurnaade lati.**

**-Raddude jeeriyankeewel**, o raddatah ngel o tinndintah do ngel woni.

**-Boornaade Gorko ñootaadi**, e boornaade debbo ko ñootaa e yeeso maako e juude makko, gorko na boornoo pade wolla kuffeeje.

Si o wadii gootel e dii kadaadi ombo majji wolla ombo yejjiti, yo o ittu dum hay ndiga fawaaki mbo.

Si karmindo yottiima kaaba o wanngoto dawaaafi al quduum<sup>13</sup> laabi tati, o fudforoo tolnde haayre baleere nde, ko dum woni taartagol umra makko, tawaaf noon alah du'aa keeriido

---

ummaade ihraam e mbaadi timmundi, o dakmito e ko ihraam hadno ko, refti o harmina hajju ñande jeetati. Bađde qiraanwoni: baddoowo umra e hajju, **o golla** golle hajju tan, kono o anniyo naatde umra caggal hajju. Mufri-teeldindo woni : gannayido hajju tan ko aldah e umra.

<sup>12</sup> Hadiyya woni : ko wayi e geloodi e na'i e ndammiri ndi kajjoowo okkirta wolla o sakkoro ñaame.

<sup>13</sup> Arde e suudu harminaandu, ko duum woni hurum makkianke o.

kono aade jantoto Alla o toroo ko newnanii mbo<sup>14</sup>, refiti heen o juula darde banngagol caggal maqaama Ibrahim<sup>15</sup> si newiima wolla e kala nokku, e haram he, o yalta faade yahirde<sup>16</sup> o fuddoroo Safaa o yawa dow mayre, o huccita funnaange, o habbira o janto Alla o du'oo, refit heen o fa'a Marwa o yawa marwa o huccita fudnaange o habbira, o jantoo Alla o du'oo, o ruttoo faade Safa haa o timmina lefuuji jeedidi, jahgol ko lefu, duttagol ko lefu, caggal duum o usta sukundu makko, debbo na nannga e cebe sukundu makko fotde wutnde fedeendu, ko nih woni dakmatiido gaynii umra, o daktiima e ihraam makko, kala ko harmannoo dum dagtanoo dum.

Si debbo fiiliima wolla o jibini ko adii nde o harminta wolla caggal ihraam, o wonata ko cinndindirfo, o wada umra e hajju caggal o harmini no hajjooobe wobbe, sabu fiilayru e beyngu kadataa harminde wolla daraade e dewirde, kono ko wanngaade e suudu dum hadata, o wadat kala ko kajjoowo wadata si wonah wanngaade (dawaaf), o leelna mbo haa o laaba, si o laabii ko adii nde yimbe karminta e yaltude faade Mina, o loototo o wanngoo o yaha, o usta sukundu makko o dakto e ihraam umra makko, o harmina hajju wondude e yimbe si be mbadii ihraam nande jeetati, si yimbe karminii hajju ko adii nde o laabata, o wonat mbadfo qiraan, o noototo wondude e mabbe dum wona ihraam makko, o golla kala ko kajjoowo gollata ummaade e yaltude faade Mina, daraade Arafa e Mujdalifa, e weddaade e boraade e ustude e hoore makko nande boruya, si o laabi o lootoo o wanngoo banngagol hajju, o yaha jahgol hajju.

Oo Tawaaf e ngol jahgol na yona e hajju makko e umra makko, no no Aa'isa yummum juulbe wadirnoo, nedfo habrii mbo wonde Tawaaf makko e yaade safa e marwa caggal laabde njonii mbo hajju e umra nde wanngodi e yimbe Tawaaf ifaada o yahi, sabu cinndindirfo hakkunde umra e hajju ko hono teeldindo,

---

<sup>14</sup> Si wonah hakkunde jookli toon noon hombo wiya ko joli e konngol Alla(joomi amen e aduna moyfere e to laakara kadi moyfere dadndu amen e lepte yiite) Al baqara 201.

<sup>15</sup> Ko duum woni maqaama Ibraahiima-yo o his.

<sup>16</sup> Yahirde woni: nokku jahirfo, ko duum woni yaade e yaawnaade hakkunde Safa e Marwa,duum ko montaanji didi tokoosi.

fawii mbo tan ko tawaaf gooto<sup>17</sup> e jahgol gootol, sabu ko duum nelaado habri o golli dum, e ko nelaado maaki e hadiis goo: umra naati e hajju haa ñande darnga, Alla anndi.

Si ñande jeetati Jil-hijja arii hajjoobe karminana hajju ka galleeji mum en to Makka, wano harmanirtee ka miiqaat, be laaba be boornoo comci ihraam, refit heen kajjoowo foti ko debbo wolla ko gorko anniyoo hajju, o nootoo ombo wiya: Allaahumma labbayka hajjan- Alla mi nootiima ma hajju- o reentoo kala ko reentintee e ihraam haa o ruttoo Mujdalifa haaa ñande boruya {44} o werloo jamra cakkitiido, gorko laboo debbo usta.

Si kajjoowo harminii ñande jeetati o yaltidat e hajjoobe faade Mina, o waala toon o juula kala juulde e waktu mayre ko aldah e renndinde, si naange yaltii ñande Arafa o huccitida e hajjoobe faade Namra, o joodoo haa juulde e imaam wolla e nokku mbo o woni o, o rendina tiisbaar e takkusaan o usta, caggal jawaal o huccana Arafa, si o ummiima Minaa faade Arafa, o joodii toon dagiima, Arafa fof ko darorde.

Yo kajjoowo hebbin jikru to Arafa e toraade Alla e yaafnaade, o huccita fudnaange faade tulde, sabu ko nde feccere e Arafa, yawde nde dewal dagaaki, moomaade e kaayɛ mayre dagaaki, dum ko bidaa karmudo.

Kajjoowo ummotaako Arafa haa mutal, caggal mutal o ummoo faade mujdalifa, si be njottiima mujdalifa be njuula futuro e geeyɛ juulde denndingol neemngol, be usta geeyɛ be mbaala doon, si fajiri yontii be njuula e jantaade Alla, be kuccita Mina ko adii pudal naange, si be njottiima Mina be mberloo jamra cakkitiido kaayɛ jeedidɛ nanndude ñebbe tawa mawnaani famdaani, tawa naange fudii, werlaade wano pade dagaaki, sabu dum ko fijirde nde saydaane sudanta be, <sup>18</sup> e waawnude seytaane rewde jamirooje nelaado -yo o his- e accude ko Alla e

---

<sup>17</sup> O wanngoto dum ñande juulde wolla caggal juulde, tawi ko tawaaf gadana o ko adi hajju ganndiraado mbanngagol gargol, oon ko naafila, tawi ko yaade duum ko laawol gootol wonande teeldindo e cinndandirdo, si ardanii mbo wondude e tawaaf gargol yonii mbo, si o yahaana o yaha wondude e Tawaaf al ifaada ñande iid wolla caggal uulde taaske.

<sup>18</sup> waawnude seytaani woni hoynude mbo.

nelaado kadi.

Rewa heen, caggal kajjoowo oo werliima Jamra, o boroo hadiya makko, o laba hoore makko, debbo usta, si gorko ustii na dagii, kono ko labaade buri ko wonata laabi tati, refti heen o .bornoo comci makko, ndeen kala ko harmannoo mbo daganiiima dum, si wonaa rewbe. Refti heen o yaha Makka o wangoonoo bannagol hajju, ndeen noon kala huunde daganoo mbo hay rewbe, o ruttoo Mina o wona toon ko heddii ko e ñalawma juulde e ñaldi dīdi e jemmaaji majje, na waddii o waala Mina, o werloyoo jamraaji tati ñande 11 e ñande 12 caggal naange e hoore, o adora tokooso o, o rewna heen kakandiido o, ndeen o fawa heen jamra cakkitiido mbo o werlinoo ñande juulde, kala heen gooto o werloo mbo kaayē jeedīdi, o habbira wondude e kala haayre, kaayē jamra o hocca de e nokku makko<sup>19</sup>. Kala mbo dañaani de ka mina, yo o tello to tillisaaji dii kaadti to.

Si o faalaama ruttaade ummaade Mina caggal werlaade ñande 12 na woodani mbo, si o leelnii haa ñande 13 ko duum buri labeede, o werloo caggal naange e hoore, si o faalaama datnaade o wangoonoo suudu ndu bannagol bayngal, refti heen o dannoo. Debbo piiliido e mbo diiyam besngu si wannginooma bannagol hajju o yahi hakkunde Safa e Marwa, ndeen wangoonoo bayngal fawaaki mbo.

Si kajjoowo leelnii hirsude hadiyya haa ñande 11 wolla 12 wolla 13 duum na daganii mbo, hay si o leelnii bannagol hajju yahde haa o jippoo to Mina na daganii mbo, kono buri labeede ko ko kollirno-dēn dow ko.

Ko Alla buri annude, yo Alla juul e Nulaado men Muhammadu e besngu (mbootu) makko e sahabaabe makko fof.

### **3- Goondinal (Liimaaneegal)**

Alla farlii goondinde Mbo e nelaado Makko, e doosde, e goondinde Malaykaaji makko<sup>20</sup> e defte makko<sup>21</sup> de o tellini e

---

<sup>19</sup> woni nokku do o woni do.

<sup>20</sup> Malaykaaji:ko pittaali di Alla tagi e annoore,hobe keewi ko Alla tan anndi limoore

nelaabe makko, de timminiri quraana teddufo o, mbo momtide mbo heedi dow majje, nde o goondinta nelaabe Alla gila e gadano haa e cakkitiido e mum en Muhammadu -yo o his- sabu nelal mabbe ko gootal diine mabbe ko gooto oon woni islaam, neli be ko gooto oon woni Alla jom binnde de, na fawii e juuldo o goondina wonde nelaabe jantaabe bee he quraana ko nelaabe Alla faade e dente mabbe gadiide, o goondina ko Muhammadu woni sakket mabbe, ko o nelaado faade e yimbe bee fof, caggal neleede mbo fof en ko dental gootal Yahuud e Nasaara e yimbe diineeji goddi, sabu wonbe e leydi he fof ko yamiraabe rewde e Muhammadu -yo o his-.

Muusa e lisa e denndaangal nelaabe na kisi e mbo rewaani e Muhamdu-yo o his- o naati islaam, sabu juuldo woni goondindo denndaangal nelaabe, o rewi be, kala mbo goondinaani Muhammadu o rewaani mbo o naataani e diine islaam ko o jeddududo denndaangal nelaabe, hay si o nodditiima sukkude e mabbe, dalillaaji ko hollirta dum yawtiino e keerol dimmol e haala Alla he.

Annabiijo on mo jam e kisiyee woni e mun on maaki: Mi woondirii mbo fittaandu Muhammadu woni e junngo makko, kala yahuud wolla e nasaraa mbo nanataa kam, refti heen o maaya o goondinaani ko nelaa mi ko, ko he yimbe yiite o jeyetee) <sup>22</sup>.

Na fawii e juuldo nde o goondinta ummital e haasbeede e njobdi e aljanna e jaynge, goondinde hoddiro Alla na waddii mbo.

---

mum en,ina e mum en wonbe ka kammuuji, ina heen wakkilaabe gede aade en.

<sup>21</sup> Juuldo goondinat wonde defte tellinaade e nelaabe Alla fof ko goongo, tawi ko tawreet e injiil ko woni e juude Yahuud e Nasaara ko e ballifaabe e daliilu luutrude de, e wide be heen lisa ko biy Alla, ko woni goongo ndewateedo ko gooto, lisa ko maccudo Alla ko nelaado makko, hono ko ari ko e quraana, ko ari ko defte mabbe e duum quraana ittii dum, nelaado yiyii derawol tawreete e junnga Umar o seki, (o wiya: Mbela ina e am sikke aan biy khadfaab, mi woondarii Alla sinnda musidfo am Muusa wuurno ko e am o rewata.Umar werlii derewol ngol o wii: Yaafnano mi aan nelaado Alla). o hadiis ko Ahmadu habri mbo e (3\387) ummaade e Jaabir biy Abdullaahi, Albaani mo e deftere Irwa(1589).

<sup>22</sup> Ko Muslim yaltani mbo (153) e Ahmadu (2\317).

## **Woni maana goondinde hoddiro:**

Nde juuldo goondinta wonde Alla na anndi kala huunde, o anndii golle jiyaabe ko adii tageede kammuuji e leydi, O winndi duum e Alluwal deenangal ka makko, juuldo annda ko Alla haajaa wada ko o haajaaka wonatah, Alla tagii jiyaabe ngam be ndewa mbo, O hollibe duum o yamiri be duum o hadi be woopde mbo, o wadani be hattane e muuyaande nde be mbaawata wadde ko o yamiri, be keba baraaji, baddo goopol haanda e lepte.

Muuyaande maccudo rewi ko e muuyaande Alla, tawii ko hoddiraaji .di Alla wadanaani jiyaado muuyaande e subaade, O doknatnde e mabbe ko aladah e muuyaande mum en, hono goopol e yejjitde, e ko be mbaawnaa ko, hono kadi baasal e nawu e musibbaaji e ko nanndi e mum, Alla nanngirtah dum maccudo o leptirtaake ko o yejjiti, o barjete e musibbaaji e baasal e nawu si o muunii o welaa hoddiro Alla o barjee njobdi mawndi.

## **No wadfii e juuldo goondinde ko yawti koo fof.**

Ko buri mawnude iimaan e juulbe e burdo badaade e toowde galle ka aljanna ko moyfinbe, rewoobe Alla mawnina mbo njankinanoo Mbo hono yi'oobe Mbo, be ngoopataa Mba ko suudii wolla ko banngi, be piba ombo yiya be ka be woni kala, hay ndiga suudotaako Mbo e golle mum e bolle mum en e anniyaaji mabbe, be doftoo yamiroore Makko, be ngacca woopde Mbo, si gooto e mum en woopii, o ruttoo o tuuba o rutoroo e Joom Makko tuubgol cellungol jaawngol, o mimsa e goopol makko he, o yaafnoo Alla o wadtataa, Alla daali: Alla na wondi e been hulbe Alla e been moyfinbe. Annahli: 128.

## **4- Timmude diine islaam.**

Alla daali e quraana teddufo o: Hannde timminan Mi mon diine mon kempinan Mi on neema am, mbelanaa-Mi mon Islaam diine. Al Maa'ida: 3. Alla daali: pellet oo Quraana na feewna faade ko buri fooccaade ombo weltina juulbe gollube golle moyfe, na woodanibe njobdi mawndi. Al-Israa: 9. Alla teddufo Oo wi'i e quraana: Min tellinii e maa deftere feñinde kala huunde, ko nde

peewal e yurmeende e weltaare wonande juulbe. Annahli: 89.

Arii e hadiis celluɗo, nelaado maaki: Mi accii on e danewol jemma maggol ko hono ñalawma maggjol, hay gooto selatah ngol si wonah o halkoo.<sup>23</sup> Be maaki kadi: Mi accirii on gede dide on majjatah si on nanngitiima e majje on majjatah cay: Deftere Alla nde e sunna annabi makko o.<sup>24</sup>

### **Ina e aayeeje gardiide de:**

Alla na habra e aaya gadano o wonde O timminanii juulbe diine mumen islaam, mbo alah usti mbo haajaraani beydeede, ombo moyfi e kala jamaanu e nokku e leñol, O holli O timminii neema e dow juulbe e oo diine mawɗo newiɗo, e nelal timmoode annabaabe Muhammadu-yoohis- e bannginde islaam e wallude yimbe mabbo e dow añbe mabba, O holli wonde o welanaama yimbe diine islaam, O tikkantaa mbo, o weletaake diine godɗo mbo wonah islaam.

E aaya dimmo o, Alla holli wonde quraana ko laawol timmungol labbinatngol goonga e fiyakuuji diine, alah jam si wonah mbo tinndina, alah bone si wonah mbo reentinaa, kala huunde jibiinde, booynde wolla hesre maa aroore jibtude dum woni ko e quraan, kala jibtugol luutrungol e quraana ko majjere e tooñange.

Ganndal e fibnde e poletik e njubbudi laamu e ganndal fittaandu e faggudu e njubbudi lepte e ko wonah dum ko yimbe tan katojini, dum fof quraana hollii, e demngal Muhammadu -yo o his- kollirgol timmungol, wano no Alla habriiri e aaya jantaado o, O habri O daali “**min tellinii e maa deftere leernatnde kala huunde**” Annahli: 89.

E keerol garawol feññinde timmal diine islaam e laawol mammba pooccingol.

---

<sup>23</sup> Ko Abuu Daawuuda yaltani mbo(4607) e Tirmiji(2676) e Ibnu Maja(43) ko kanko jeyi o lafju, e Ahmadu(17142) e luural setta, Albaani sellani mbo e sahih ibni Maja(41)

<sup>24</sup> Maalik yaltini mbo ko Albaani (3338), sellani mbo e nder Sahih Al Jaami'i (2937).



Keerol naya6ol  
Laawol Lislamm.

## 1- Gadanel: Ganndal

Ko adii Alla yamirii nde ganndal janngetee, Alla daali: **Anndu alah deweteedo e goongo si wonah Alla, imsino bakkatuuji maa e juulbe worbe e rewbe ko Alla anndi waylitorde mon e ñiibirde mon.** Muhammadu: 19. Alla daali: **Alla na banta darajaaji been goondinbe e mon, e been tottaabe ganndal, Alla na humpitii ko ngolloton ko.** Al Mujaadala: 11. Alla daali: **Maaku joom am beydam ganndal.** Taahaa: 114. Alla daali: **Naamne yimbe ganndal si wonii on nganndah.** Al anbiya 7. Timmoode nulaabe wiya -yo o his- e ha-diis celludo: dabbude ganndal ko farilla e dow kala juuldo. Be maaki kadi: bural ganndo e dow dewoowo Alla ko hono bural lewru e dow denndaangal koode. <sup>25,26</sup>

**Anndude islaam na feccoo e pecce e nokku badɗagol mum.**

Feccere adanere nde: Ko farilla badɗiido e kala neddo, gor-ko wolla debbo, hay gooto okketaake ngantu majjude mbo, anndude Alla e nelaado makko be waddini anndude ko fawii e maa e diine maa<sup>27</sup>.

Feccere dimmere: Ko farilla mbo waddaaki fof en, si woodi ummiibe heen mbo jippoo wobbe be, ngal wonta jidangal, dum woni anndude ñaawooje sariya islaam ballooje joom mum no wonri janninoowo wolla ñaawoowo wolla saggitde, ko noon kadi anndude ko juulbe katojini e mecce e firam golleeji badɗiide ngam nguurndam mum en, engal waddoo e juulbe si woodaaka ko yoni, golle ngam juulbe ndaɗa ko yoni be e ko himmi be.

## 2- Dimmel ngel: Fiɓnde:

Alla yamirii Muhammadu -yo o his- nde o hollata yimbe fof

---

<sup>25</sup> Ko Ibnu Maaja yaltani mbo(224)e Tabaraani nder sagiir(22) Albaani sellani mbo e deftere sahiihul jaami\*(3808) e (3809).

<sup>26</sup> Tirmiji yaltani mbo e (2322) e Ibnu Maaja(4112), Albaani sellani mbo ka Al Jaami (1609)

<sup>27</sup> - En jantiima ko adi e keeri gadiidi di.

wonde ko be maccube Alla kanko tan, na fawiiɓe rewde Mbo kanko tun, be jokkondira e Alla ko aldah e keedo e dewgol Makko, wano no haaldanoo e maanaa -laa ilaaha illaa Allaahu- o yamira be nde be mbakkiltoo e Alla tan, e hulde Mbo be mbaasa joortaade godɗo<sup>28</sup> sabu ko kanko tan nafata lorla, be ciforoo Mbo sifaaji timmal di o sifanii hoore Makko, kadi nelaado Makko siforii Mbo noon, wano mbiino-ɗen ko adii.

### 3- Tataɓel: jotondiral hakkunde yimɓe.

Alla yamirii juulɗo nde wonata nedɗo labaaɗo, jahoowo ngam dadɗude aade en e niɓe keeferaagu faade e annoore islaam, ko dum wadi mballifii-mi ndee deftere e sarde nde, dum wona huunde e ko wadɗii.

Alla yamiri nde jotondiral hakkunde juulɗo e tana makko wonata jotondira iimaan Alla, o yiɗa jiyaabe labaaɓe doftiiɓe Alla e nelaado Makko, hay si be ngonii burɓe wodɗude, o aɗra heefereɓe e woopooɓe Alla e nelaado makko, hay si be buriima badaade, ko dum woni jotondiral dentingal seertuɓe, dum noon na seeri e jotondiral jiidigal leydi e maslaahaaji tigi, diin fof ngasat ko leelaani.

Alla daali: A daɗatah yimɓe goondinɓe Alla e ñalawma cakkittiɗo ebe njidondira e aɗɓe Alla hay si be ngonii baabiraabe mabbe wolla biɓɓe mum en ma musibbe wolla gorol mum en. Al Mujaadala: 22. Alla daali: Tigi tigi buri teddude e mon ko burɗo hulde Alla. Al Hujuraati: 13.

Alla habri e aaya gadano he: Goondinɗo Alla yiɗatah aɗɓe Alla hay si be ngonii burɓe badaade.

Ombo habra e aaya diimmo he: buri teddude e labeede ko doftiiɗo Mbo e kala mbaadi doftagol.

Alla yamiri nuundal wondude e gaño e sehil, O harmini

---

<sup>28</sup> {55} Faande heen: konde huletaake joortetaake ummaade e tagooje hono maayɓe sanamuuji di kattane Alla, kono hulde ko aade kattani hono hulde mbaroodi e bannadiiji, e joortaade kattandoo wallude hono tedduɗo bum ko kulol e njoorto neesuyanke alah peleteedo heen.

toñanng'e e hoore Makko, O wadi d'um ko harminaa hakkunde jiyaabe Makko, O yamiri hoolaare e goondude, O harmini njanfa, O yamiri diggande jibnaabe, e jokkude endam, e moyfyude e waasbe, e renndude e golle moyfy'e e moyfyude e kala huunde hay si ko kuule, Alla harminii leptude de, O yamiri moyfyude e majje,<sup>29</sup> tawii ko kulle lороoje hono rawaandu bonndu<sup>30</sup> e mboddi e yaare e doomru e luga di na mbare, sabu hadde bone majji.

#### **4– Korgol e waajoraade bernde wonande aade goondindo.**

Arii e aayeeje quraana kollirooje wonde Alla na yi'a be e kala nokku, hombo anndi denndaangal golle mum en, Ombo anndi anniyaaji mum em, Ombo tonnga golle e bolle mabbe, malaykaaji Mum na ngon'di e mum en ebe mbinnda kala ko yalti e mum en foti ko wirnii wolla ko feeñi, maa Alla haasbo be kala ko be mbaɗata e ko be mbiyata, O reentini be battane muusde si be ngoopii Mbo be luutndii Mbo, d'um woni ko buri mawnude e kulbingol wonande goondinbe Alla, na hada be yande e goopi Makko, be acca bonanndaaji e luutndaade kulol Alla toowdo O.

Mbo hulaani Alla baɗoowo goopi si o hattanaama, Alla wafanii mbo hidde kulbinirɗo nder nguurndam, Alla yamiri juulbe nde be njamirta ko labaa, be kada ko boni, kala juuldo tina ko naamnitteedo e yeeso Alla, e kala goopol ngol goddo wadata na haani o hadira mbo demngal makko si o ronkii o hadira junngo makko. Alla yamiri mawdo juulbe<sup>31</sup> nde o ñiibnata keeri Alla e dow lunndiibe, duum ko lepte fotde nammbaraaji di joom mum golli, Alla hollii duum e quraana, nelaado holli d'um e hadisaaji makko he, o yamiri yo d'um siine e dow bonbe, ko nih woni ko nuundal sarotoo e hoolaare e neema.

#### **5– Joyabel: ballondiral e endondiral renndo:**

Alla yamirii juulbe wallondirde hakkunde mabbe ko yi'etee e

---

<sup>29</sup> Haysi ko e hirsude jawdi ndagiindi ñaamde, nelaado yamarii welnude labi e footinde hirsaaɗe, nokku hirsude: ko goddol o taxa daɗol diixam haa diixam yalta, ngelooɓo borete woni yuweede les daande, wardude jawdi maas kuura wolla lappude e hoore, koko harmi dagaaki ñaamde d'um.

<sup>30</sup> woni rawaandu foñdu lороoru yimbe, na mofti conngooji poñdi lороoji.

<sup>31</sup> Laamiido wolla hooreejo.

ko tinetee, hono no kaalduno-d'en e damal sadakaaji, Alla harmini e juulbe nde be lorata aade en e kala mbaadi lor, hay si ko lor e laawol, O yamiri nde o ittata dum si o yiyii hay si ko e nokku godfo, O fodani mbo nojbdi e duum, wano O fodani lordo lepte.

Alla farli e goondindo nde o yidanta musidfo mum ko o yidani hoore mum, o añana dum ko o añani hoore makko, Alla daali: Mballondiree e diggere e kulol All, wote mballondiree e bakkaat e ngaingu kulee Alla pellet Alla ko cattudo lepte. Al Maa'ida 2. Alla daali: Pellet juulbe ko musidbe wafde moyfinee hakkunde musidal mon. Al Hujuraati : 10. Alla daali: Jam alah ko heewi e gunndooji mum en si wonah jamirfo sadak wolla moyfinde hakkunde yimbe, kala bafdo duum ngam weluya Alla, yaama min totta mbo njobdi mawndi. Annisa 114. Annabijjo on mo jam e kisiyee woni e mun on maaki: Gooto e mon goondintah haa o yidana musidfo mum ko o yidani hoore makko.<sup>32</sup> Nelaado -yo o his- maaki e kutba mum teddufo (60) mbo o haali e saket nguurndam makko e hajju bayngal, o teentini ko o yamirnoo ko adii: Ahmadu habri. Eehey mon yimbe pellet Joomi mon ko goonga, Aarabe buraani Ajami, Ajami buraani Aarabe, wonah bodeejo e dow baleejo, wonah baleejo e dow bodeejo si wonah kulol Alla, mbela mi yottini? be mbi: nelaado yottanii -yo o his-. Be maaki kadi: Pellet yiifameeje mon e jawle mon e guri mon na harmi, hono harmude ñalawma mon o, e leydi mon ndi, e lewru mon ndu, haa e ñalawma kawroton e Joomi mon, mbela mi yottinii? be mbi : eey. o banti fedeendu mum faade kammu, o maaki: Joom am seedo <sup>33,34</sup>.

## 6- Jeegabel: arinde gooto

Alla yamri nde juulbe ngardinta gooto e mum en, be ngaa-dondira e makko o heyoo be, O yamira be renndude waasde seerde be ngona dental gootal, O yamiri be doftaade Imaam mum en e amiir mabbe si o yamiraani goopol, sabu doftaare woodanaani tagaado e woopde tagdo.

---

<sup>32</sup> Bukaari yaltani mbo(13) e Muslim(45) konngol ngol muslim woodani.

<sup>33</sup> dum ko kudba teddufo denndind hombo sarii e defte hadiis annabiyanke.

<sup>34</sup> - Ahmadu yaltani mbo(22978), Albaani sellani mbo e silsilati assahiihati (199\6).

O yamiri juuldo si o horiima feññinde diine makko e leydi makko e noddude faade e diine,<sup>35</sup> yo o fer faade e leydi islaam, ndi denndaangal gede mayri ñaawirtee sariya islaam, tawa kadi ko Imaam juuldo heynii ndi.

Islaam jabaani keeri ngenndiyankooji wolla diiweyankooji, leñannde (nasiyonaalite) juuldo woni islaam, jiyaabe ko jiyaabe Alla leydi ko leydi Alla, juuldo na egga heen ko aldah e pale, e sarti si o reeni sariya Alla, si o woopii Mbo laawol Alla fawee e makko, e gollirde sariya Alla e ñiibnude hiddeejji makko<sup>36</sup>, hoolaare hebee aade en poocoo, yiyaameeje ndeenee guri e jawdeele mum en jam fof hebee, si duum accaama bone jaaloo.

Alla reeniri hakkillaaji: Harminde cikrinooji e dorogooji e daaynooji {65} O wadi hidde yarde sanngara ko 40-80 loocol kala nde o wadi duum, ngam hulbinde e reende yimbe e bone majjum.

Alla reeniri yiye juulbe: Yobtaade jawtudo keerol ko aldah e goonga, bardo waree barmindo barminee, juuldo okkaama hakke duñande fittaandu makko, e nguru makko e jawdi makko, Alla daali: Nguurndam Woodanii on e joptagol onon jooma hakkillaaji en ngam ndeento-don. Al Baqar: 179, Nelaado Alla -yo o hismaaki: Kala baraado gaa jawdi mum ko cahodindo, kala baraado gaa diine mum ko cahodindo, kala baraado gaa diiyam mum ko cahodindo, kala baraado gaa koreeji makko ko cahodindo<sup>37</sup>. {66}.

Alla reeniri guri juulbe: Ko Alla sardiini harminde ñoode juuldo e haalde e mum ko aani e haala ko wonah goonga, e ko sariyini e hiddude takkudo juuldo bone jikku hono: jinaa e luudiyankewal ko aldah e tabitiniirde dum daliil sariya.

Alla reeniri askooji ko waasde jillindirde, jillindirgol ngol wonah sariya {67}, O reeniri guri ko harminde jinaa karmingol mawngol e teskaade dum ko e boneeji mawdi, O wadi lepte kadooje dow baddo dum si sarteeji faweede lepte jina kibbii (timmii).

---

<sup>35</sup> {63} Yamirde- si o hattani.

<sup>36</sup> { 4} Hiddeejji woni lepte dottaade e sariya islaam e dow baddo bone dottaado.

<sup>37</sup> Ko Abuu Daawuud yaltani mbo e (275/2) e Nisaa'i (316) e Ahmad e(1652) Albaani sellani mbo e sahih attargiib wa tarhiib:(1411) e sahiihu al jaami\*u (4172).

Alla reeniri jawdi: Harminde nguyka e tuppude e wore e njeenaari e ko wonah dum e faggitagol karmungol, e ko O sariyini e lepte gujjo e tayowoo laabi, ko lepte kadooje, duum woni tayde si sarteegi timmi, wolla leptirde mbo ko wonah tayde si sarteegi timmaani.

Ko Alla sariyini dee lepte ganndudo ñeeñdudo, ko Kanko buri annude ko labanaa tagoore Makko, ko O jurmotoodo be, O wadii dee lepte ko kaffaara bakkatuuji, e reende renndo e bone mabbe e bone ko wonah mabbe. Been aybinoobe warde bardo e tayde junngo gujjo be njejaa ko he aÑbe islaam e noddittoobe mbo, be ngaybinta ko tayde tergal bonngal si ngal tay'aaka ngal reba e renndo he fof {68} ndee be ndagna warde jaambureebe ngam paandale mum en keeriide.

## 7- Dawrugol yaasi, ngam noddude faade e Lislam:

Alla yamirii juulbe e jogiibe fiyakuuji mum en yo noddu be ngonah juulbe faade e islaam, haa be ndadna be e bone keeffeeru faade e annoore islaam, e kiite mutde e fiyakuuji aduna e hadeede malal fittaandu ngal juuldo tigi neemotoo. Yamiroore Alla wonande juuldo woni: Nde o wonata nafoowo aade en fof e moyfere mum, o yaha ngam danndude aade en fof, dum na luutndii laabi di aade en mbaadi, ndeen na dabbaa nde neddo wonata moyfo tan, dum na jeyaa e dallilaaji bonde e ustaade ngol laawol, e labeede islaam e timmude hembo.

Alla yamirii juulbe nde be kebantoo aÑbe mum en kala no be mbaawri e doole, ngam be ndeenira dum islaam e juulbe, be kulbina heen gaño Alla e gaño mabbe. Alla dagnii kadi nde juulbe mbaaddata aadi e be ngonah juulbe, si wonii dum na haajoraa tawa na yaadi e sariya islaam, O harmini e juulbe firtude aadi mbo be mbaadi e aÑbe mum en, si wonah ko been adii firtude, wolla be golli ko addata firtude.

Ko adii nde juulbe puddotoo hare wondude e heefereebe, Alla yamirii be yo be noddu be naatde e islaam, si be caliima be dabbiiree yobde empo e yankinanaade ñaawoore Alla, {69} si be caliima be kabee haa fitina waasa woodde {69} diine fof wooda-

na Alla.

E ngonka hare Alla harminii warde suka e debbo e nayeejo e mawbe diine wonbe e juulirde, si wonah denndirde e hare he miijo wolla feere makko, been nanngirtee ko dahaabe, be ngolidee golle lobbe, ko nih paameten hare islaam wonah tamde e huutoraade faandaa heen, kono faandaa heen ko sarde goonga e yurmeende, e yaltinde yimbe iwde e rewde tagoore faade e rewde Alla tagdo O.

## **8- Jeetabel : Ndimaagu.**

### **a- Ndimaagu fibnde:**

E diine islaam Alla okkirii ndimaagu fibnde be ngonah juulbe si be naatii les laamu islaam, caggal nde o holliti islaam, e caggal nde o noddaa faade e hembo, si o subiiima islaam ko heen malal e hisde makko woni, si o subiiima heddaade e diine makko, o subaniima hoore makko keefeeru e kiite e lepte ka yiite, ko nih woni hujja ummiima e dow makko, o alah ngantu e yeeso Alla, ndeen noon o accee e fibnde makko o yoba **empo** ombo woni koydo, o wona les ñaawoore islaam, tawa o banngintah dewe keeferaagal yeeso juulbe.

Tawii ko juuldo si naati islaam dagantaako mbo ruttaade heen, si o murtii ko warngo woni njobdi mum, sabu nde o murti nde caggal o anndii goonga, o natti haandude e heddaadee aduna, si wonah o tuuba faade e Alla o ruttoo e islaam {71}.

Si wonii murtere ko e bade pirtooje islaam jeyaa, murtudo na tuuba e duum, o woppude dum o yaafnoo Alla.

### **Pirtooji islaam na keewi, buri heen himmude ko:**

- **Renndinde Alla e goddo**, duum woni nde maccudo waddata Alla e deweteedo goddo, hay si ko e mbaadi jogaade heedo hakkunde makko e Alla, o nodda mbo o wafana mbo ballorgal, foti o qirriima alliyankaagal Mum innde e maanaa, sabu anndude mbo maana **llaah** e dewal, hono sirkube jaahiliyankoobe been rewatnoobe sanamuuji jooptoodfi



jiyaabe moyfube ngam yiilaade tefoore mum en; **wolla o qirraaki** allayankaagal makko, o jabaani ko o Alla e rewde mbo ko rewde Alla hono sirkube askintoobe e islaam be njabatah noddeede faade e tawhiid be ngaayoo. Wonde sirku ko sujjannde sanam tan, e nde maccudo wiyata huunde nde wonah Alla ko Alla.

Oon wayi kono jaroowo sanngara o innira mbo ko wonah inde mabbo, saaliima bannginde alhaali been, Alla toowdo daali: **Rew Alla labbinanaa Mbo diine** (2). Ko noon nde woodanii Alla diine laabtudo, been jaggirbe tanah Makko waliyaabe min ndewataa be si wonah yo be badin min malal Alla, pellet Alla ko ñaawoowo hakkunde mum en nder ko be luuratnoo ko, pellet Alla feewnatah kala penoowo keefeero. Ajjumiri: 2-3. Alla daali: Oon joomi mon laamu woodanii mbo, diin di noddoton tanaa Makko di ngalah hay gufel tamaro (13). Si a noddii di, di nanatah noddaandu mon si di nanii di noototaako on, ñande darnga di njedda denndingol mon, alah kabroowo ma yeru kumpitiido (14). Faatiri {13-14}

- **Waasde heeforinde** sirkube e heefereebe wodbe: wano Yahuud e Nasaara e saliiibe goodal Alla e majuus e bewnooji ñaawroobe ko Alla tellinaani, be mbelaaka ñaawoore Alla, kala mbo heefirinaani bee caggal nde o anndi Alla heefirinii be, oon ko keefeero.

- **Mbilewu ngaddoowu sirku** burdo mawnude, kala golludo duum caggal nde o anndi ko wayi nii ko keefeero, o wonii keefeero.

-**Fibde wonde sariya wolla njubbudi ndi wonah islam** buri sariya islaam, wolla wonah ñaawoore nelaado buri ñaawoore makko, wolla dagaade ñaawirde ko wonah ñaawoore Alla.

-**Añde nelaado** -yo o his- wolla huunde ko o anndi ko e sariya makko jeya.

-**Jalkitde**<sup>38</sup> huunde anndaande jeyaande e islaam.

**-Añde foolde islaam**, wolla weltaade e leesfude islaam.

**-Heyninde heeferebe** yiddube tawa ombo anndi wonde badfobe keeda ko e mum en jeyaa.

**-Fibde na newanoo mbo yaltude diine** Muhamdu-yo o his-, tawa hombo anndi sellantah hay gooto nde o yatata mbo e kala alhaali.

**-Falaade diine Alla**, kala paliido diine islaam caggal sifinireede, o golliraani mbo o janngaani mbo ko keefeero.

**-yeddude ñaawoore** e ñaawooje islaam kawraade de, e de yeru majje majjetaake, dallillaaji pirtooji na heewi e quraana e sunna

## **b- Ndimaagu miijo**

Alla okkii ndimaagu e miijaade nder islaam tawde miijo ngoo felbondiraani e tinndinooje diine islaam, O yamiri juuldo haalde ngoonga e yeeso baawdo wonde fof, woto o hul e Alla feloore goddo, O wadi dum ko jihaadi burdo mawnude, O yamiri mbo yo o laaban heedbe e fiyakuuji juulbe, o hada be luurude, e yamirde nde o ruttata noddowo faade e meere o hada mbo, ko dum woni miijo burngo mawnude e tedddude e hormude, tawii ko miijo luutondirngo e sariya Alla newnetaake joomum feññina dum, sabu ko yirbinde e bonnude e habaade goonga.

## **b- Ndimaagu keeriingu:**

Alla okki neddo ndimaagu keeriingu tawa ko e nder keeri sariya labbinaado o, O wadani neddo -gorko wolla debbon-dimaagu e ko wadata hakkunde makko e tana mum, hono yeeyde e soodde e dokkal e waqfu e yaafaade, O okki debbo e gorko ndimaagu subaade mbo o resondirta, alah e mum en baawneteedo e dewgal, si debbo subiima gorko mbo wonah paso mum e diine, o newnantaake duum, sabu reende fibnde mum e teddungal mum, o hadaama dum ngam maslaha makko.

Waliyyu debbo, ko burɗo badaade mbo to bannge jiidigal wolla wakiil mum, oon woni jogiɗo fibnde dewgal makko, sabu debbo resnatah hoore makko sabu nanndude ɗuum e jinoowo, o wiya joom galle: mi resnii ma kaari, gorko nootoo wiya : mi jabii ngal dewgal, seedeji ɗiɗi tawee dewgal ngal.

Islaam newnantah juulɗo nde o yawtata keerol sariya Alla, sabu kanko e ko o jeyi ko Alla jeyi, na waɗɗii e juulɗo nde firliitoo e keerol Alla, ngol Alla sariyani jiyaado Makko, kala nanngitiido heen feewa malee, luutndiido hiitee halkoo, ko ɗum taki Alla harmini jinaa e luutyankeewal sanne, O harmini e juulɗo haraade e waylude tagu Alla.

Tawii ko ustude mustaas e hooltaade e labde sukundu les wuddu e borde naafde e haddaade, ko Alla yamiri ɗuum.

Alla harmini e juulɗo nde o nanndintoo e gaño Alla e gefe de be keerorii, sabu nanndidaade e mabbe e yiɗde be e piiji bannguɗi na adda e nanndinaade e yiɗde be e bernde.

Alla na faala e juulɗo nde o wonata iwirde miija islaam sellungo, kono wonah jiggotoodo miijo yimbe wolla peeje mabbe, Alla yiɗi ko nde juulɗo wonata ñeemtinirgal labangal o waasa wonde ñeemtinoo.

Tawi ko ko yowitii e mecce e fitiram golleeji celluɗi, islaam na yamira jannugude ɗum e nanngude heen, hay si gadiido heen o wonah juulɗo, sabu ko Alla anndini aade, Alla daali: O anndini nedɗo ko o anndah. Al Alaqi: 5.

Ko ɗum buri toowde e maandeeji laabangol reedu e labinde wonande aade e naftoraade e ndimaagu makko, e reende teddungal makko e reende mbo gaa bone fittaandu makko e bone tanaa makko.

### **c- Ndimaagu hoforde:**

Alla okkii juulɗo ndimaagu hoforde, hay gooto fotoani naatde hende, si wonah e sakkitoore makko, o ndaarataa mbo nder mayre si wonah sakkitoore makko.

## **d- Ndimaagu faggaade:**

Alla tottii juuldo ndimaagu faggaade e nafqude e ko sariya dottani mbo, O yamiri nde o gollata o faggoo ko yonata mbo kanko e galle makko, o nafqa e laawol diggere e moyfere, e oon waktu o harmini e makko faggaade ko harmi hono: ribaa, wore, njeenaari, wujjude, e njobdi tiimngal (gisaane), e mbilewu, e jinaa, e luudiyaaagal, O harmini cogguuji ko harmina hono coggu nate ruuhuuji <sup>39</sup> e sanngara, e mbabba tugal, e gede pijirde karminaade e njobdi njimri e ngamri, faggaade e dee gede na harmi, ko noon kadi nafqude e majje na harmi, daganaaki juuldo nde o nafqata si wonah ko dagii, ko dum buri toowde e darajaaji laabande reedu e moyfinande aade faggudu makko e nafaqe makko, ngam o wuura ko o galo tawa ko e faggudu dagiindu o wona malaado.

## **9- Jeenayabel: besngu (mbootu).**

Alla yubbini besngu e sariya islaam njuubbudi timmundi, kala nanngudo heen heba sababuuji malal, O sariyini diggan'de jibnaabe -yumma e baaba- e haala newiika e juuragol jokkungol si o woddii be, e gollande be e humtude haajuuji mabbe e nafqude be, o hodna be si be ngonii waasbe wolla gooto e mabbe, Alla kammbiima lepte kala belsindiido jibnaabe makko, o fodani diggando be malal, O sariyini dewgal O holli neenal e sariyinde duum e deftere Makko, e demngal nelaado makko -yo o his:-

## **10- Sariyinde dewgal:**

Ko e dewgal hebatee sababu burdo mawnude reende hoore makko e ko harmi -jina- e burnaade e reende yitere ndaarde ko harmi.

E dewgal deeyre hebete e hubindaade joom galle e cuddiido, sabu Alla wadi hakkunde mabbe gilli e yurmeende.

---

<sup>39</sup> - Nate jom en pittaali natraadi juude, wolla cehaadi e lefde e ko nanndi e dum, wollo ko wadira loopal, dum naati e been natoobe.

E dewgal juulbe keewata keewal sariya gondungal e laabal e moyfere.

E dewgal gooto e resondirbe fof ligganoo goddo o, gooto fof ummoo e ko haandi, hono no Alla wadiri nih.

Gorko gollata yaasi galle, o faggoo jawdi, haa o nafqa e cuddiidoo makko e besngu makko, debbo golla e nder galle, ko kanko saawata, jibina muynina ne'a sukaabe, heblana joom galle makko ñaamdu, e suudu e leeso, si gorko naati na tampi na wondi e himmeeji duum yaha, o yeewta joom suudu makko e biibe makko, fof en nguura e foftere e welamme. Hadaaka nde o wonata sara joom galle makko –si be mbeldii- e yogo e golle ngam o fagganoo hoore makko o walla joom galle makko e ko o faggitoo ko, e sarti tawa wonah e nder worbe o gollata, nde o gollata e suudu makko wolla e ngesa makko wolla ngesa joom galle makko wolla koreeji makko, tawii ko golle hakkunde worbe nder isin ma e nokku julordo duum kam daganaaki debbo daganaaki joom galle makko wolla jibnaado makko maa badiibe mbo newnande be duum hay si o welanaama hoore makko duum, sabu ko duum addanta mbo e renndo ngo e bonannde. Debbo wonata ko e hoolaare tawa juude bonde njottotaako mbo, doon do ombo reena e nder suudu makko o jotondiraani e worbe, gite janfotoode ndaarataa mbo, si debbo yaltii hakkunde yimbe ombo waawi yeebaade o waya no dammuwol gonngol hakkunde boyeeji, wonatah waktu setta haa been bonbe tacca banndu makko e teddungal makko.

Si gorko yonaaka debbo gooto Alla dagnanii mbo limti limtinde haa rewbe nayo, e dow sariya tawa ombo nuunda hakkunde mum en, ko o hattani wano nafaqe e hodorde e lelnde, tawii ko jidgol bernde duum wonah heen sarti, sabu ko huunde nde neddo jeyah te o feletaake heen, o nuunda, nuundal ngal Alla riiwi hattaneede mum, e daalol Makko: On kattantah nuundude hakkunde rewbe hay si on ndeerdii. Annisaa: 129. Ko gilli e ko rewi heen, dum ko nuundal ngal Alla wadaani, waasde woodeede ngal hadataa limtinde rewbe, sabu dum hattanaaka, Alla sariyani limtinde wonande nulaabe makko e kala nuundoowo nuundal kattanangal, sabu anndi maslaha gorko e debbo, sabu

gorko celluɗo na jogii heblaade to bannge lelnde o waawa safrude haaju lelnde rewbe nayo, si o haadfi e debbo gooto wano nasaara {74} e wobbe, hono noddittoobe islaam noddirta duum si be kaadi e debbo gooto, boneeji garooji dii ngarat:

-Gadanel: Si wonii jo galle ko goondindo doftiido kuldo Alla, o wuurat nguurndam mum ombo tini huunde e hafeede, e bittude haaju fittaandu dajiido, sabu gooto koriido e lebbi cakkitiidi e diiyam besngu e fiilayru na kaɗa gorko dakmitaade e joom suudu mum, o wuura yoga e nguurndam mum ellee o alah cuddiido, dum si wonii ebe njidondiri, si cuddiido o yidaa mbo ko duum buri heewde lor.

- **Dimmel ngel: si jom galle woni goopoowo Alla**, o wafa ko boni, hono jinaa o acca debbo mum. Heewbe saliibe limtinde na njina ko limti limtini ko aldah e keerol, ko buri bonde e dum ko ñaawaado keefaraagal mum si woni ombo haboo limtinde dajiinde wonande rewbe, o aybina dum te Alla na dagni dum.

- **Tatabel: Ko heewi e rewbe na kaɗee reseede** e jiidaabe si limtinde hadaama, moyfo e mabbe curiido wuura gontuɗo miskiin kadaado, godɗo o wuura ko faajiir pijdoowo e bonbe (caga).

Na jeya e ko anndaa wonde limoore rewbe buri limoore worbe heewde, sabu ko worbe kawrata koo e sabbuujj maayde, sabu hareeji e golle cattude de be ngollata, na anndaa debbo na heblii dewgal gila o hellifaa, kono wonah worbe fof keblani duum, sabu heewbe e mum en kattaanaani dewgal sabu ronkude teje, e baddiidi (deppasuujj) dewgal. Ko nih islaam anndetee na nuundi e debbo na yurmii mbo, kono habotoobe limtinde yahdunde e sariya ko be aŋbe debbo e bural e annabaabe, limtinde ko sunna annabaabe -yo kisa won e mum en- sabu be ndenndinat rewbe fotde keeri di Alla diidani be.

Tawii ko kiram e suno ko debbo tinata nde o nawlirtee, dum ko huunde bernde, bernde noon fotaani ardineede e fiyakuujj sariya, debbo na waawi sardude gorko waasde nawlireede ado dewgal, si gorko jabii duum wadɗoo mbo, si o felliti nawlirde mbo ombo jogii hakke heddaade e dewgal maa firtude, o hebtatah

hay huunde e koo okkunoo mbo ko.

Alla sariyi ceergal e yeeso burngo heeraade saanga nde luural yani hakkunde resondirbe, e nde gooto e mabbe waasi yidde godfo o, haa be mbaasa wuurde e kiite e luural, haa gooto e mabbe fof daña mbo o welaa malnoowo mbo, ko heddi koo e nguurndam makko e laakira makko<sup>40</sup> si gooto e mabbe fof maayi e islaam.

## 11 – Ñawndagol (safraade)

Sariya islaam addii asliiji doktoraagal fof, ina e quraana teddufo o, e hadisaaji nelaado Muhammadu -yoo his- banngindi ko heewi e ñabuuji fittaandu e banndu, e duum ko safrortee foti ko ko memetee wolla ko memetaake, Alla daali: Min tellina e quraana ko woni cellal e yurmeende wonande gooneinbe, Al-Israa: 82. Annabiijo oon mo jam e kisiyee woni e mun on maaki: Alla tellinta ñawu, O tellinana mbo safaara, ganndufo dum annda majjudo dum majja<sup>41</sup>.

Be maaki kadi: cafrodee wota cafroree ko harmi<sup>42</sup>. E deftere “Jaadul ma’aadi fihadyi khayril bariyati” nde ceerno imaam ibnul qayyim na fencita toon, rutta toon sabu ende jeyaa e burnde nafde e defte islaam e sellude huftidinde bannginde islaam, e siira timmorde nelaabe Muhammadu -yo o his-.

## 12 – Faggudu e njulaagu e fitiram gollaagu e ndema:

E ko yimbe kaajori e ndiyam e ñaamdu e naftorteede kuftidinde e yubbinde ko reenata gure mum e ko de peewniraa, e laabal majje e yubbinde yaadu, habaade puunti e fenaande, dum fof islaam feññinii dum e mbaadi timmundi.

---

<sup>40</sup> Juulbe rewbe labaabe (be ndesaaka ma seeraabe) si Alla naatniibe aljanna caggal ummital e haasbore be okke subaade mbo be mbela e juulbe worbe been ndesa be, debbo desanoodo seera ko heewi o mayi e ceergal o naati aljanna, o subuto mbo o wela e worbe mum ka aduna oon resa mba toon.

<sup>41</sup> Ko Ahmad yaltani mbo(453,413,377) e Ibnu Maaja(340\2) e Ibnu Habbaan(1394) eHaakim(196\4), Albaani sellani mbo e silsilati assahiihati(451).

<sup>42</sup> Ko Abu Dawud yaltani mbo(3874) Albani sellani mbo e sahih al jaami\*i(1762).

### 13- hollirde hebanaade suudiibe e laawol seerde e mum en.

Alla hollirii e quraana teddufo maccudo makko juuldo, wonde ombo jogii ańbe foodoobe mbo faade e halkaare aduna e laakara, si o doftiima be, o reentini be been, O holli laawol hisde e bee ańbe, ko been ngoni:

- **Gadano mum en woni seytaane kudaado:** duńoowo ańbe heddiibe o dillina be e dow aade, ko kanko woni gańo baaba men Aadama jaltindo mbo aljanna, ko kanko woni gańo besngu (mbootu) makko haa aduna gasa, maa o wad no wadete fof haa o liba be e yeddude Alla haa o saasnabe e yiite –heden mooli e Alla- kala mo o ronki libde e goopi, o aarnda mbo tikkere Alla e lepte makko.

- **Seytaane ko ruuhu dogoowo e nedfo** no yiińam dograta e dogirde mum, mbo sikkina bernde, mbo suda bone haa yandina aade heen si o doftiima mbo. Laawol hisde e seytane hono no ceniido o haaldi, ko nde mbi'eten saanga tikkere : mina mooloo e Alla bone seytaani diddaado e yurmeende Alla - o gollirtah tikkere makko o woopatah joom makko- yo juuldo annu wonde ko seytaane addata tikkere nde o tinata ndee e fittaandu makko, ngam yandina mbo e halkaare, refti heen o hisnoo e makko, Alla daali: Pellet seytaane ko gańo mon njaggiree mbo gańo, o noddata fedde makko ko ngam be njejee e wondiibe yiite. Faatiri: 6.

- **Gańo dimmo o: Belaade:** Ina heen ko aade tinata reerdude e salaade goonga, e ruttude mbo e kaaldo he, e kadi reerdude salaade ńaawoore Alla e ruttude nde, sabu ende luutri ko o muuyi ko, ina heen kadi arinde fittaandu e dow goonga e nuundal. Laawol hisde heen ko nde jiyaado moolotoo e Alla rewde belaade mum, o waasa nootaade noddandu belaade, o haala goonga o jaba mbo hay si mbo haafii, o moolo e Alla bone seytaane.

- **Gańo nayabo: fittaandu yamiratndu bone,** ina heen ko aade tinata e fittaandu makko reerdude wadde tuuyo karmudo, hono jinaa , yarde sanngara e waasde hoorde koorka ko aldah



e ngantu dajiido, e ko wa'i nih ko Alla harmini. Woni laawol hisde e mum ko moolaade e Alla bone fittaandu e seytaane, o muña gaa tuuya harminaango, o dabba weluye Alla, wano o muññirta fittaandu makko ñaamde wolla yarde nde o tuuyaa dum, ko na lora mbo si o yarii wolla o ñaamii, o siftora oo tuuya karminaado ko jaawoowo gasde suno e nimsa rewa heen.

- **Jowafo** : **seytaneeki yimbe**, ko been ngoni aade en woopoobe be seytaane fijiri, be mbatti wadde ko hadaa be cudana dum mbo be njoododii, woni laawol hisde e oo gaño ko: reentaade mbo e wodditaade e waasde jooddaade e makko.

#### 14- Faandaare toownde e nguurndam maleede.

Faandaare toownde nde Alla huccini jiyaabe Makko juulbe wonah dam nguurndam aduna e ko woni heen, ko hoomtata gasa, kono ko heblanaade janngo goonga oo tigi, oon woni nguurndam laakara caggal maayde, juuldo goongdudo e dam nguurndam teskotoo dam ko jokkorgal nguurndam laakara e ngesa laakara dam wonah faandaare e hoore majjam.

O siftora konngol Alla toowdo O: Mi tagaani yimbe e jinneeji si wonah yo be ndew Am. Ajaariyaati: 56. E konngol Alla toowdo O: Eehey mon goondinbe kulee Alla yo fittaandu ndaar ko ndu ardinani janngo kulee Alla pellet Alla ko kumpitiido ko ngolloton ko (18). Wotee ngonee hono been yejjitbe Alla O yejjitini be pittaali mum en been de ngoni faasiqeebe (19). Yimbe yiite e yimbe aljanna potatah, ko yimbe aljaana ngoni malaabe (20). Al Hasri: 18-20. Alla daali: Kala golludo fotde gabbel jarra e moyfere maa yii dum (8), Kala golludo fotde gabbel jarra e bonannde maa yii dum (8) Ajiljala: 7-8.

Juuldo goondudo na siftora dee aayeeje teddude e ko nanndi e majje e haala Alla toowdo o ka O huccini heen jiyaabe makko ko taki be tageede, e janngo kabbiido be mbo sikke alah, o weltoo e oon janngo duumotoodo e labbinde dewal wonande Alla tan, o golla ko welata mbo e joortaade weluya makko, e

teddinde mbo e dam nguurndam e rewde mbo, e caggal maayde e naatnude mbo e galle teddungal makko, Alla teddina mbo e dam nguurndam nde O wuurnata mbo nguurndam laabdam, o wuura e ndeenka Alla, o ndaarda e annoore Alla, ombo tottira dewe Alla de Alla yamiri, o dakmitoo e gundondirde e Alla o jantoo Alla e bernde makko e demngal makko bernde makko deeyfa.

O moyfa e yimbe e kongol makko e golle mum, o nana e teddube qirraade moyfere makko e du'anaade mbo ko weltinta bernde makko, o yi'a e haasideebe kaccooraaji yeddude neema makko, tawa o hadataa be moyfere, sabu ko yeeso Alla o faandii, o nana o yi'a e bonbe aŋbe diine jalkitgol e lorla e ko siftinta dum nelaabe Alla, o annda dum ko e laawol Alla o beyda yidde islaam e tabitde heen, o gollira junngo makko e biro wolla e ngesa ma e julorde wolla e isin, ngam o nafa islaam e juulbe e njeñcudi makko he, haa o heba baraaji ka Alla nde o hawri e makko sabu labbinde mbo e anniya makko labaado, o heba faggitaade ko dagii o nafqa dum e hoore makko e mbesngu makko, o sakkora heen o wuura galo bernde teddufo jondiniifo, joortiifo njobdi ka Alla, sabu Alla yidi juulfo joom semmbe jom gollal, o ñaama o yara o daanoo ko aldah e fantinde, ngam o semmbiniroo duum e dewal Alla. O wonda e cuddiifo makko ngam o reena mbo o reena hoore makko e ko Alla harmini ko, e hebde bibbe rewoobe Alla, be ndu'anoo mbo saanga nguurndam e maayde, golle makko moyfe njokka, o hebbinira be limoore juulbe o heba baraaje ka Alla, o yetta Alla e kala neema mbo o daŋi e wallinaade e doftaade mbo e jabde neema o ummii ka Alla tan, o daña njobdi ka Alla, o annda wonde ko hebata mbo e heege e kulol e musibbaaji ko jaribuyaaji di Alla jaribattoo mbo, haa Alla ndaara do muñal makko tolnii {78} e weluya makko hoddiro Alla, o muña o welee o yetta Alla e kala alhaali joortaade baraaje makko di o heblani muñbe, musiiba hoye e mum o jaba mbo, wano ñawfo jabrata kaadeeki lekki (safaara) ngam daminaade cellal.

Si juulfo wuuri e dam nguurndam aduna no Alla yamiriri nii wondude e wonki toowki o gollanat janngo caasoowo tigi o, haa

o malee malal duumotongal ngal guddinooji nguurndam wuddintah, maayde tayatah dam, kanko dee ko aldah e sikke woni malaado e aduna, malaado ka laakara caggal maayde, Alla daali: Duum ko galle laakara min mbadanat mbo been be njidah toownaade ka leydi wonah kadi bonnnere, battane ngoodanii hulbe Alla be. Al qasasi: 83. Alla teddufo O goondi fo O daali: kala golludo moyfere foti ko gorko wollo debbo te ombo goomdini, maa Min nguurnu mbo nguurndam mbeldam Min yoba be njobdi mabbe burndi moyfude ko be gollunoo. Annahli 97.

E aaya jawtudo o, e ko nanndi e makko Alla na habra: Ombo yoba gorko moyfo e debbo moyfo golloobe golle labaade e aduna njobdi weluya makko, e njobdi njaawnaandi e aduna ko dum woni nguurndam mbeldam dam, e njobdi leelnaandi caggal maayde, duum woni neemaade e aljanna luttoowo o, e dum nelaado -yo o his- maaki: "Kaawee e fiyaaku gomdindo on! Fiyaaku makko on fow ko moyfere; dum alanaa gooto si wonaa gomdindo: Si welo-welo hebii mo o yetta (Alla) dum wonana mo moyfere, si lorra kadi hebii mo o muñño o dum wonana mo moyfere".

E dum banngata wonde ko islaam tan woni miijo hisngo, woni betirgal ko moyfi e ko boni e laawol timmungol nuundungol, kala miijooji e ganndal fittaandu e renndo e needi e dawrugol e faggudu, e kala jubbe e laabi di aade feewni na poti feewnireede e islaam, e nde de ittete e islaam, si wonah duum maa o ukko feewde e ko luutndi islaam, maa dum won kiite aduna e laakara wonande nantiibe heen.

\*\*\*

**Keerol jowabol  
Huñcude yoga e jiibuyaaji.**

## 1- Bonanbe e diine islaam, ko furi bonde e islaam ko nooneji didi e yimbe:

**a- Gadano o:** yimbe askitintoobe hembo be nodditoo wonde juulbe, kono golle mabbe luutndoo islaam e bolle mum, be golla golle de islaam hisi e mum, be ngonanaani islaam, sellatah nde golle mum en ngaskitintee e islaam, been ngoni:

- **Ooñiibe e pible mum en:** hono wanngotoobe e genaale ngam toraade haajuuji mum e yimbe genaale, be goondina nafoore e lorlo mumen {80}.
- **Joom en jikkuuli bondi e diine bondo:** bee na ngacca farillaaji Alla, be mbada karminaade, hono jinaa e yarde sanngara, be njida añbe Alla be nanndikinoo e mum en.
- **Ina jeya e bonnoobe islaam** yimbe juulbe, kono iimaan mum en na lohi, siinoobe islaam e ustaare, ebe ndabbinoo yogo e gede badfiide, be ngacca de, be mbada golle bonde, kono de njottotaako e sirku njano wolla ko wonah duum e nooneji keeferaagal, be ngoowi aadaaji bondi karminaadi, islaam na hisi e majji, edi teskee ko bakkatuuji njani, wano fen'de e fuuntude, e firtude aadi. Bee fof na mboni e islaam, sabu majjudo islaam mbo wonah juuldo na sikka islaam na newnani mbo duum.

**b- Tawi ko noone dimmo o woni:** been bonoobe e islaam ko be yimbe jeyaabe e añbe islaam, ina jeya e been: mustasriquuna e yahuud en e weltinoobe e hono mum en añbe islaam, mettaabe timmal islaam e newuya mum e yaawde saaktaade mbo, sabu kammo woni diine neesu {81} mbo neesu jabata, si mbo hollama ngu, kala aade mbo wonah juuldo na wuuri e faayre, e tinde waasde weleede, wolla e laawol makko ngol o fibi, sabu ngol luutndii neesu ngu Alla tagiri aade so o wonaani juuldo tigi, ko kanko tan wuurata ombo welaa diine makko, sabu kammo woni diine mbo Alla sariyini, sariya Alla noon na yahdi e neesu ngu Alla tagiri en, ko dum saabi mbiyen kala nasraan e yahuud e kala gondo boowal islaam: bibbe maa njibinaa ko e neesu islaam, kono ko aan e neene mum njaltinirta mbo e islaam needi mbonndi e keefeeru, ko dum seerndi islaam e laabi godfi.

Ko mustasriquuna en e weltinoobe teyii pepindii e islaam, e

timmoore nelaabe Muhammadu -yo o his-.

- Fennude nelal makko ngal.
- Weddaade mbo ayiiba, te ko kanko woni timmudo -yo o his- kisaado ka Alla e kala ayiibe weli be metti be.
- Bonnude yoga e ñaawooje islaam nuundude, de Alla ganndo ñeeño O sariyini, sabu be ndiwa yimbe e mum.

Kono Alla na bonna peeje mabbe, sabu be kabotoo ko goonga, goonga noon toowat goddum toowataa dow mum. Ebe faalaa nde be ñifirta annoore Alla kundude mabbe, Alla ko timminoowo annoore makko hay si heefereebe ngañih. Ko kanko nuli nulaado makko e peewal e diine goonga ngam O fawa mbo e diineeji, Alla yonii seede. Assaffi: 8-9.

## 2– Iwirde (asliiji) islaam:.

Si a yidii aan neddo kakkildo nde nganndataa islaam tigi, janngu quraana tedduo o, e hadisaaji nelaado Muhammadu -yo o his- binndaadi nder Sahiihul Bukhari, e Sahiihul Muslim e Muwatta imaam Maalik, e Musnad imaam Ahmad ibnu Hanbal e Sunan Abu Dawuud, e Sunan Nisaa'i e Sunan Tirmiji e Sunan ibnu Maaja e Sunan Daarmi. Janngu sira annabiyanke mbo Ibnu Hisaam, e tafiir quraana tedduo mbo **Isma'il Ibnu kasiir**, e deftere Jaadull Ma'aad fii Hadyi Khayril bariyya, nde ceerna Muhammadu Ibnul Qayim winndi, e wano ee e defte almameebe islaam mbinndi, yimbe tawhiid e noddude faade e Alla, yeru: ceerna islaam Ahmadu ibnu Taymiya, e imaam kesditinoowo Muhammadu Abdul Wahab, mbo Alla teddini, e mawdo woottinbe Muhammad Bun Sa'uud noddoo e diine islaam e wootinde ka suriinde arab, e yogo e nokkuuji gila yirde 12 fergo haa jooni, caggal saragol sirku.

Tawii ko Mustasrikuun e pelle askitintoode e islaam te ede luutndoo ko de noddata ko, e piiji diine islaam jantanoodo ko adi ko heewi, wolla de njana e nelaado -yo o his- wolla yennude maa yattaade wolla yuwde yoga e almameebe noddoo e faade e woottinde Alla yeru: Ibnu Taymiya e Ibnul Qayyim, e Muhammad Ibnu Wahab, be pepindoo e mabbe e defte mabbe majjinooje. Reento hoomtireede de wolla janngude de.

### 3- Laabi islaam

Denndaangal juube ngonni ko e laawol gootol ngool woni islaam, ko quraana e hadiis nelaado -yo o his-, woni duttorde mum en, tawii koko wiyetee koo laabi islaam, wano laabi nayi di, Hanbali e Maaliki, e Saafii e Hanafi, faanda heen ko duude fiqhu islaam de annuube jannginta heen asliiji islaam, woni ruttorde mum en ko quraana e hadisaaji nelaado -yo o his- luure gonde hakkunde mabbe e piiji cate dee heewaani, gooto he been annuube fof yamiri janngoobe mum nde be nanngata e konngol ngol yiyaal quraana e hadiis semmbini, hay si wonah ceerno makko haali ngol.

Juuldo fawaaka rewde gooto e mabbe tan, kono o fawaa ko ruttaade e quraana e hadiis, kono ko yana ummaade e askitintooe e dii laabi e ooñaade e fibnde, wano juuraade jenaale e wanngaade de, e faabnoraade yimbe majje, e ko be njanata e taawiil sifaaji Alla, e yaltinde di e maanaaji mum bannugodi, bee na luutndi mawbe laabi mabbe ka fibnde, sabu fibnde imameebe woni fibnde ardiibe moyyube jantanoobe to fedde dadoore.

### 4- Pelle jaltude islam:

Na woodi e winndere islaam pelle keewde jaltude islaam, ede ngaskitinoo e islaam, kono tawii ko goonga de ngonah islaam, sabu pible majje ko pible jeddude Alla e aayeeje e ngootaagu Makko, ina jeyaa he dee pelle:

#### **Pelle Baatiniyya:**

Deen ngonni ko goondini koo wiyete huluul e tanaasukhu, e wonde yiye diine na jogi maana nder mum luutndiido boowal mbo nelaado -yo o his- holliri o , juulbe kawri heen, oo maana birniido ko kambe lelni mbo e belaafe mabbe {82} woni lasli cosagol Baatiniya ko: dental yahuud e majuus e saliiibe goodal Alla e filosofi en to leydi Faaris nde waawni be saraade islaam, be ndenndi be ndiisondiri feewnude laabi, faandaa heen ko seerndude juulbe e jiiibde miijooji ko faati e maanaaji quraana teddufo, be lelni laabi jirbinatdi be noddii faade e majji, be

ngaskitinii e Ahlul Bayti, be nodditii wonde ko kambe ngoni Sii'a mabbe, haa be mbaawa hoomtude yimbe, be ndaddi ko heewi yimbe majjube be majjini be.

Ina jeyaa e deen pelle (al gaadiyaaniya) askiteede e Gulaam Ahmadu Al gaadiyaani, lollirɗo nodditaade e annabaagal, o noddii fuuybe to Hinde yo be goonjɗin mbo, Engeltere huutorii mbo kanko e sukkube e makka saanga njiimaandi mabbe e Hinde be moyfi e mabbe e sukkube makko, haa majjube heewbe ndewi e makko, na he Kaadiyaan en nodditooɓe islaam, te na njaha ngam yirbinde mbo e yaltinde kala mbo be mbaawani e islaam. O wallifiima deftere (tasdiq baraaheen ahmadiya) nde o nodditi annabaagal, o wayli heen yi'e quraana, na jeyaa e ko o wayli ka quraan nodditaade wonde jihaad e Islaam momtaama, na waddii e kala juulɗo nde weldata e Angale en, o wallifii heen deftere kadi o inniri nde (taryaqu al quluub) o maayi hitaande 1908 J.I, caggal nde o majjini heewbe, lomtii mbo ko gorko majjuɗo bi'eteedo Al Hakiim Nuuru Diin.

Ina jeyaa e pelle Baatiniya yaltude islaam : fedde na innee Bahaa'iyaa, ko gorko bi'eteedo Aliyu Muhammadu siŋci nde e fuddorde yirde 11 to liraan, wiyaama ko Muhammad Ali Shiraji, o wonnoo ko e fedde Shii'a 12, o yalti nde o tafi laawol hoore makko, o wiya ko kanko woni Mahdi kabbaaɗo, o nodditii wonde Alla telliima e makko o wonti deweteedo wonande aade en. Alla seniima e ko yeddube goodal Alla kaalata ko, o yeddi ummital e haasbeede e aljanna e yiite, o woni hono laawol Barahama e Buda en yeddube, o renndini hakkunde yahuud e annasaara e juulbe, o wii alah ko be ceerti, refi heen o yeddi annabaagal Muhammadu -yo o his-, o yeddi ko heewi e ñaawooje islaam, roni halkaare makko ko biyeteedo (baha), o sari noddanda makko e heewbe sukkube fedde askinaande e makko, nde innaa Baha'i.

Ina e pelle jaltude islaam, hay si ede nodditoo mbo, de njuula, kooraa de kajja, pelle keewde limoore nodditooɗe wonde Jibril janfi e nelal totti ngal nelaɗo Muhammadu -yo o his- ko e Aliyyu nulaal ngal faano. yoga e mabbe mbi'i: Ko Aliyyu woni Alla, be pantina mawninde Aliyyu e bibbe makko e cuddiido makko



Faadima e yumma makko Khadija -yo Alla wele be kambe fof-, be mbaɗi be Allaaji, be nodda be be piɓa won'de ko reenaabe, daraja mabbe buri daraja nelaabe - yo be kis-.

Be mbi'a: quraana gondo e juude men na waɗi ko beydii e ko ustii, be mbaɗani mbo kaamilaaji keeriidi, be lelɓi aayeeje e cimooje de be mbaɗani ko'e mabbe, be njenna burbe teddude e juulbe caggal annabi, Abu Bakri e Umar - yo Alla wele be- be njenna yummum juulbe: Aysa -yo Alla wele mbo- be paabnoro Aliyyu e biɓbe makko saanga caɗeele e neema, be toroo be ko aldaɗ e Alla, Aliyyu e biɓbe makko na kisi e been, sabu be mbaɗ be allaaji wondude e Alla, be peni e dow Alla, be mbayli haala makko, Alla toowi e ko be kaalata ko toowal manngal: {83-.

Pelle jeddude de janti den, ko de yoga e pelle keefeeru noddittoode faade e islaam tawa ede njirbina mbo, yo a fin -aan kakkildo aan juuldo e kala nokku- islaam wonah nodditaade, kono ko anndude quraana, e hadisaaji nelaado -yo o his- tabitdo e gollirde dum, tesko quraana teddudo e hadisaaji nelaado Muhammadu -yo o his- ndañaa peewal e annoore e laawo peewngol gaddatngol malal nder aljanna ka Joom binnde.

## 5- Noddude faade dadal:

Aan neddo kakkildo debba e gorke mbo naataani tawo islaam, mina noddu maa faade e kisal e malal, mi wii ma:

Dadndu fittaandu maa e lepte nder yenaande, caggal maayde, rewata heen ko jaynge jahannama.

Dadndu fittaandu maa e goondinde Alla, e Muhammadu ko nelaado Alla, e islaam ko diine, deweteedo e goonga alah si wonah Alla Muhammadu ko nelaado Alla, juul juulɗeele jowi de, tottir askal jawdi maa, hoor lewru koorka, hajjoy to suudu Alla hormaandu ndu si a hattanii laawol gootol.

Feññin islaam maa ngam Alla, sabu kisal e malal ngalah si wonah e Lislam<sup>43</sup>.

---

<sup>43</sup> E aduna nguurdam laabɗam e ka laakar naatde aljanna.

Mina woondira e teddufo O Mbo hay gooto rewetaa e goonga si wonah kanko, ko oo diine islaam woni diine goonga mbo Alla jabatah diine godfo si wonah kammbo, mi seedina Alla e malaykaabe Makko e denndaangal tagoore alah deweteedo e goonga si wonah kanko, islaam ko goonga ko e juulbe njeyaa-mi.

Mina toroo Alla ceniifo O e dokke makko e teddungal mum, nde O waratami juulfo tigi miin e besngu am e musibbe am juulbe, O renndina men ka aljanna neema wondude e annabi men Muhammadu -yo o his- e denndaangal annabaabe, e galle makko e wondiibe mum, mina toroo Alla kala janngufo deftere nde wolla nani nde o naftora nde, mbele mi yottinii? Alla seedano mi.

Ko Alla buri anndude, yo Alla hisnu annabi men Muhammadu e sahabaabe makko e koreeji makko, denndangal jettoode ngoodanii Alla Joom binnde.

Woortoode (timminire)

## Loowdi tiitoode

Tiitoonde	Hello
<b>Diine Goonga: tiitoonde.....</b>	1
<b>Ngardiindi e dokkal .....</b>	3
<b>Keerol gadanol ndude Alla Tagdo O.....</b>	4
1- Na jeyaa e dalilaaji goodal Alla.....	5
2- Ina jeya e sifaaji jaati Alla toowdo O.....	8
3- Ina jeya sifaaji Alla toowdo O, di O sifanii hoore makko.....	9
3- Ko wadi Alla tagi aade en e jinneeji.....	10
4- Ummital caggal maayde e njobdi golle e aljanna e yiite.....	10
<b>Keerol didabol: anndude Nelaado jk.....</b>	14
1- Na jeyaa e Ko Alla seerndiri Muhammadu .....	15
2- Kaawisaaji nelaado yo kisiyee won e mun.....	16
<b>Keerol tatabol: anndude diine islaam goongo.....</b>	20
1- Anndinde islaam: .....	21
2- Jookli islaam .....	23
a) eedaade deweteeo alah si wonah Alla .....	23
b) Jookdu dimmuru e islaam ko Juulde .....	31
b) Jookdu tataburu e jookli islaam ko Askal.....	36
c) Jookdu nayaburu e jookli islaam ko Hoorde.....	37
d) Jookdu jowaburu e jookli islaam ko Hajju.....	39
3- Goondinal (Liimaaneegal).....	45
4- Timmude diine islaam.....	47
<b>Keerol nayabol: Laawol islaam.....</b>	49

<b>Tiitoonde</b>	<b>Hello</b>
1- Gadanel: Ganndal.....	50
2- Dimmel ngel: Fiɓnde.....	50
3- Tataɓel: jotondiral hakkunde yimɓe.....	51
4- Korgol e waajoraade ɓernde.....	52
5- Ballondiral e solidarite rennda.....	52
6- Jeegabel: arinde gooto.....	53
7- Dawrugol yaasi, ngam noddude faade e Lislaam.....	55
8- Jeetabel : Ndimaagu.....	56
9- Jeenayabel: e ɓesngu (mbootu).....	60
10- Sariyinde dewgal.....	60
11- Ñawndagol (safraade).....	63
12- Faggudu e njulaagu e fitiram gollaagu e ndema.....	53
13- hollirde hebanaade suudiiɓe e laawol seerde e mum en.....	64
14- Faandaare toownde e nguurndam malaeeɗe	65
<b>Keerol jowabol : Huñcude yoga e jiibuyaaji.....</b>	68
1- Bonanɓe e diine islaam .....	69
2- Iwirɗe (asliiji) islaam.....	70
3- Laabi islaam.....	71
4- Pelle jaltude islam.....	71
5- Noddude faade daɗal.....	73
<b>Loowdi Tiitoode .....</b>	75

**Nde hibɓii (timmii) e yettude Alla**